



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.88




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.88




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.88





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.88






2 6.88







XXIX A
WEISE

171

SCHEDIASMA CURIOSUM
DE
LECTIONE
NOVELLARUM,

In Illustri ad Salam Augustéo

propositum.

Nunc publici juris fecit,

et.

NUCLEO NOVELLARUM
HISTORICO,

Nec non.

GENEALOGIA COMITUM LEININ-
GENSIUM,

quam non omnino plenam in suis Tab.

exhibuit Roterodamus

audire.

CHRISTIANUS WEISE,

In Augustéo Polit. Prof. Publ.




Cum Gratia & Privilegio Elect. Saxon.

Sumptibus CHRISTOPHORI ENOCH Ducta.

WEISSENFELSÆ,

Excudebat JOH. Brühl/ Aug. Typogr. MDC LXXVI.





AUDITORIBUS MEIS SALUTEM ET INDUSTRIAM.

AD vos tendit, quicquid de Novellarum utilitate, præstantiâ & usu à me scriptum est. Nihil enim vel inter arcanæ schedarum mearum sic est reconditum, quin vestris quotidie pateat commodis: cur nolim id vobis potissimum commendare, quod in curiosa eruditione magnam semper facit paginam? Equidem sunt aliqui antiquarum literarum usq[ue] ad superstitionem studiosi, ut vel micam novitatis admiscere, nefas putent quovis parricidio deterius. Ego tamen, ut antiqua veneror, sic novatum jucunditatis tum necessitatis causâ amplector: et quo spectare soleam, intellexerunt ii, quos Curtii Lectionem cum interpretatione Historiæ meæ fundamentalis docui conjungere. Nimirum hoc nolim à vobis ex informatione meis digressis ingeminari: nihil esse propositum, quod faceret ad vitam; tentatum, non quantum discere, sed quantum oblivisci possitis:

con-

consumptam esse chartam, diffusam memoriam, elapsi-
sum tempus; uno verbo, perisse didactum. Quam-
obrem, sicut Collegia mea mere solent esse practica,
hoc est futuris usibus consecrata; ita non possum fa-
cere, quo minus Novellarum curam publicam hac epi-
stolam depradicem. Si quidem hoc studiorum ^{pag. 170}
qui non deletatur, eadem opera humanae societati re-
nunciet, ac in extrema solitudine quærat ignorantie
patrocinium. Videtis autem in hoc schediasmate,
quantum curiosi laboris cumulum struat, qui solas
urget Novellas: adeoque nunc vestri fuerit muneris,
id agere, cui præsens favet occasio. Certe enim,
qui vos ornare cupio, vix videor meruisse, ut nihil
proficiendo sitis adversus meam sedulitatem injuri.
Faxit DEUS ut semina passim sparsa, in fructum Po-
steritati salubrem emergant, ac appareat, non sine
omine, Gymnasium ab AUGUSTO PRINCIPE
fundatum, in publicis tabulis vocari AUGUTUM.
Vos interim valete: sed cur valere vos jubeam?
Salvete & proficite. Dab. è Musæo d. 17. April.
M DC LXXVI.

Quem



I.



Veni usum habeant Novellæ, & quibus adminiculis earundem lectio soleat juvari, breviter dicere aggredior. Operæ enim videtur pretium inspicere negotia, quæ tot legentium sedulitate tractantur. Nec inutilem hanc curam sentient Studiosi, quorum interest, in hoc ipso curiositatis Studio, non vinci à Mercatoribus, qui jamdudum titulo non penitus vano, audiunt Novellarum Custodes.

I I. Loquor autem de Novellis, quæ à Posterum Magistris passim colliguntur, & excusæ, in nostras deveniunt manus. Licet enim certiora è familiaribus literarum commerciis intelligant Aulici, Eruditi & quicumque magnis impensis aucupantur novitates exterorum. Quia tamen ea paucorum notitiam non egrediuntur, nec cujusvis est, universam Orbis conditionem correspondentibus undique amicis complecti; facile apparet, cur plures ad publicum hoc & commune Curiositatis adminiculum confugiant.

III. Equidem non desunt argumenta, quæ novitates ejusmodi parum abesse à vanitate doceant. Nimirum inter tot partium studia, inter tot incertæ famæ aucupia, veritatem velle sectari, nihil esse videtur aliud, quam in crepusculo quærere meridiem. Adde, quod plerumque literas imperitorum, fortassis exiguo cum Judicio scriptas amplectimur pro oraculis, novellasque inde exsculpras exosculamur pro historiis. In-

A

terim.

terim si undiquaque perfectionem assequimur, non quantam volumus, sed quantam possumus; in hac etiam sectandarum novitatum sedulitate suffecerit per medias fallaciarum spinas, unam vel alteram adhuc decerpere rosam.

IV. Utinam quibus novellarum compilandarum contigit provincia, si discernere à falsis vera nequeunt, iis tamen narrationibus chartam non impleant, quæ sine legentium dispendio possent omitti. Hoc enim est, quod Capitolinus in *Macrino c. 1.* in Junio Cordo historico non amplius superstite improbat, minima quæque fuisse persecutum: quasi vel de Trajano, vel de Pio, vel de Marco, sciendum sit, quoties processerit, quando cibos variaverit, & quando vestem mutaverit, & quos quando promoverit. Simile Judicium laudatus Capitolinus habet in *Gordiano cap. 21.* Hæc, inquit, de Gordiano juniore digna memoratu comperimus. Non enim nos talia dicere voluimus, quæ Junius Cordus ridiculè & stultè composuit de voluptatibus domesticis, ceterisque infimis rebus; quæ, qui velit scire, ipsum legat Cordum, qui dicit, & quos servos habuerit unusquisque Principum, & quos amicos, & quot penulas, quot ve chlamydes: quorum scientia nulli prodest. Imperatorem Commodum ridet Lampridius *cap. 11.* quod is, cum ludum gladiatorum semper ingrederetur, quoties ingressus esset, publicis monumentis indi iussit. Plura non addo, siquidem liberum est has λεπτολογίας non legendo transilire.

V. Specto potius Utilitatem, quam Novellæ quamlibet inordinatæ legentibus suppeditant; & quam in Geographicis, Genealogicis, Historicis, Politicis, in omni denique Eraditione vel directè vel indirectè excitant. Videamus de singulis separatim.

VI. Ast antequam à Proœmio discedam, quærere possit

possit aliquis, quod ego novellarum exemplar præ cæteris legi cupiam? Mira enim hætenus, etiam in vicinia nostra, emerfit varietas. Interim quàm periculosum sit eos contemnere, quorum scripta ad singulorum oculos prorunt, ante hostredecim annos Vir Clarissimus intellexit, qui quoad rem Turcicam Novellarum auctoribus adhibuerat censuram. Sanè si votis agere liceat, velim in hoc quidem loco Polonica & aliquam partem Austriaca discere à Vratislaviensibus, Septentrionalia à Lubecensibus, Anglica ab Hamburgensibus, Gallica à Francofurtensibus. Cùm verò tantus apparatus cuiusvis non contingat, nullos sperno, ita tamen ut *Lipsiensium* præ reliquis præstantiam non dissimulem, quippe in quibus universæ Europæ negotia accuratius attinguntur. Adde, quod accedens Professoris censura, licet in ipsam veritatem non possit inquirere, id saltem cavet, ne periculosa iudicia, aut sermones in præiudicium patriæ vergentes admisceantur.

VII. Est tamen, cur legi velim *Parisiensium Gallicas & Colonienſium Latinas*. Gallicæ enim, non modò ob recentissimam styli elegantiam, Lingvæ curiosis aliqua notanda suppeditant, sed etiam ob innatas gentis sive argutias sive facetias, iudicium lectori non injucundum subjiunt. Dicit verò non potest, quàm mordax hoc bello adversus Germaniam semper fuerit hæc scribendi licentia, ut nunc, versà præter ipsorum votum fortunâ, scire liceat, quibus formulis intempestiva arrogantia debeat exagitari. Latinas ideo soleo recomendare, quod stylum habent negotiis publicis in Imperio nostro aptissimum. Cùm enim in Actis publicis magna sit necessitas Latinæ Lingvæ; neq; tamen ex Cicer-

cerone discas, quibus verbis aut phrasibus personæ, jura & actiones exprimantur; futuro Politico insigne accedit emolumentum, si quasi aliud agens Lingvæ, ut ita loquar, Politicæ acquirat notitiam. Sed pergo ad ipsum institutum.

CAPUT I.
**DE USU NOVELLARUM IN
GEOGRAPHICIS.**

I.

NOvellæ Geographiam non docent: sed tamen multos, ut eam incipiant discere, permovent; plures, ne oblivioni tradant, perpetuo hortantur. Et habet hoc fatum Geographiæ tractatio, ut quorsum convertuntur bellorum strepitus, ejusdem regionis non oppidula modo, sed pagi etiam, curiosis oculis è speciali Tabula exquirantur. Nec negabunt harum rerum satis callentes, se hoc demum bellò Sinshemii, Illkirchii, Seneffii, obscura alioquin nomina observasse.

II. Prima igitur Utilitas est Studii Geographici commendatio; altera ejusdem continua repetitio. Nemo enim legit narrationem, nisi præfixam in titulo videat urbem, unde perscripta est. Nemo de expeditione bellica quicquam accipit, nisi de fluminibus, sylvis & montibus aliqua simul notet, quæ magnum in bellis momentum habent. Ac proinde aut intelligere volumus, quæ legenda proponuntur, aut nudâ lectione contentis, non quantum intellexerimus, sed quantum legerimus, stultè lubet circumspicere.

III. Sanè ut ipsius Geographiæ adminicula hoc loco

co

cō aperiam, non est opus, cum id ante me jam fecerit Nobiliss. Becmannus in *Historia Orbis Terrarum Geographica & Civili*, quam Francofurti ad Viadrum 1673. non præfixo nomine vulgavit. Is enim Capite primò nihil intactum relinquit, quòd in hoc genere sive tyronibus, sive perfectioribus qveat conducere. Ubiq; verò sic procedit, ut librum multiplici jure vocare possis Clavem legendarum novellarum.

IV. Unicum hoc moneo, nihil æqvè ad hujus studii perfectionem facere, nisi perpetuam Tabularum perillustrationem. Præsertim si ad ductum Furnerii littorarium ac ripas fluminum seqvaris, quibus in universo Tabularum ordine nihil est spectabilius aut inventu facilius. Nimirum quæ in nuda collocantur memoria, gladiatoriam hanc tesseram postulant: *REPETE*.

V. Quod si adhuc in ipsis Tabulis s. Mappis occurrat levis error, parùm damni exinde redundare potest in nostrum hoc institutum. Siquidem Geographia instrumentum nobis est, ad intelligendas sine impedimento historias; & proinde si milliarium series interdum cespiter, sufficit regionis situm ita proponi, ne cespiter negotiorum cognitio. Certè quoniam Belgicas Tabulas habemus accuratissimè conceptas, nullum est dubium. At nostræ Patriæ delineationem ipsi Hollandi, qui excudunt, fatentur esse imperfectam, additâ causa apud Dresdensēs nimis cautè asservari Chorographias, multorum Electorum curâ, limatissimè elaboratas. Et vero cur hoc fiat, perspicuum est, postquam Tanquardi Holfatia, Svecis nupero bello irruentibus, vicem manu ductoris, penè dixerim proditoris, præstitit.

VI. Non tamen improbo adhiberi Auctorum Commentarios, qui continuâ operâ Tabulas illustrant. Utinam haberemus, quos sine erroris metu liceat evolvere. Cluverio enim, & Bunoni ejus Commentatori quomodo credam, si patriæ meæ descriptio non exiguam fovet falsitatem? Agrum quippe Hexapolitanum his Urbibus designat *Baugen / Görlitz / Sittau / Kamitz / Luben / Guben* / nesciens solam Lusatiam superiorum constituere Hexapolin; Lubenam verò & Gubenam referri ad Lusatiam inferiorem. Errores cumulavit Schævius in *Sceletio Geographiæ*, quod plerumque Cluverium sapit: *In Lusatia*, inquit, *sunt Baugen, Görlitz, Sittau, Luben, Guben, it. die Sechs Stette & Kamitz*. Neque levem hæc res obscuritatem affert, si legas in Testamento Saxonico, Superiorem Lusatiam seu *Hexapolin remansisse penes Electorem, inferiorem verò Lusatiam, adeoque Lubenam & Gubenam, concessisse Duci Christiano*. Quamobrem ad complendum senarium, addi debebant *Laubanum & Löbavia*. Hæc autem ideo scribo, ut, si quilibet tantum in descriptionibus patriæ suæ desideret, quantum ego deprehendi in Lusatia, nemo audeat sibi promittere perfectam notitiam, nisi diversas particulas diversi Auctores congesterint. Cuilibet enim de patriæ rebus loquenti, præ cæteris credendum est.

VII. Cæterum qui Novellis inhiat, commodè uti potest Indice Geographico, unde labilis sæpè & fallax memoria confirmetur. Non contemnendus hac in parte est labor Bunonis ad Cluverium. Aliqua etiam habet Schævius. Accuratiores est Rieciolus, qui *lib. XI. Geographiæ & Hydrographiæ Reformatæ* Onomasticum subjicit, & veterum Historiarum, & novellarum lectioni val-

valdè proficuum. Nec nullius pretii sunt, qui dictionaria Geographica congefferunt. Maxime probantur Indices, qui loco cuius & latitudinem & longitudinem assignant, eumq; in Tabulis reddunt inventu facillimum. Qualem Indicem memini me videre, 1616. vulgatum, Auctore, nisi fallor, Huesio. Licet enim in assignanda Locorum longitudine nimium varient Geographi, præsertim ubi è Tychonicis aliqui primum Meridianum ad Uraniburgum Tychonis in Huena, Insula freri Oresundici habitationem defixerunt: facile tamen judicari poterit, imò ex Auctoris præfatione apparebit, quibus principiis longitudinis supputatio fulciatur. Utinam sicut Ludovicus XIII. in Gallia 1634. nautas & Geographos suos observare iussit meridianum, qui duceretur per occidentalem partem Insulæ Ferri, in Canariis; sic reliquorum Principum auctoritate stabiliretur consensus. *vid. Bernh. Varenii Geograph. lib. 3. cap. 31. propos. 2.*

VIII. Interim novellæ sæpè locum nominant, à Geographis alio nomine celebratum. Sic omnes sciunt, Mare album vocari, quod Russiam septentrionalem alluit, laudemq; aliquam adipiscitur ab Emporio S. Michaëlis Archangeli. Interim hodiè, quoniam Pontus Euxinus dicitur Mare nigrum, Archipelagus vocari cæpit Mare album, quod etiam notatum observo apud Ricciolum. Bassa Silistriæ frequentissimam in rebus Turcicis habet mentionem: at Silistriam nemo mihi ostendit, nisi quod in finibus Hungariæ circa Mœsiam hæc sive Civitas sive provincia videtur collocanda. Sane in Natolia habemus Selevciam Pisidiæ, quam Turcæ hodiè appellant Celestriam, seu, ut Ricciolus scribit, Ces-

Ceslestriam : at hunc Bassam Silistriae circa Danubii & Borysthenis habitare confinia, necesse est, Walones hoc bello Gallico saepe productos ego nescirem, nisi Grotius in suis Annalibus *lib. 1. p. m. 24.* Belgas versus Gallicam habitantes ita appellasset. Quae Westphaliae pars audiat das Sauerland/ ex designatis militum hospitalionibus intelleximus.

IX. Est & alia difficultas, quod unius loci varia & diversarum lingvarum sunt nomina. Sic *Lüttich*/Latinis *Leodium*, Gallis *Liege*, Belgis *Luyck* vocatur. *Xpæl* Latini dicunt *Insulas*, Geographi superioris seculi *Lille* ex Gallico *L'isle*. Quam varietatem si quis ex usu non observaverit, jam pronus in errorem lapsus est.

X. Imprimis autem Gallica Urbium nomina Latinis aliter expressa saepe vel prudentes fallunt, eumq; in finem Furnerii Geographiam, ob conjuncta utriusque lingvæ nomina, adeo deprehendi utilem, ut per Auditores meos perfectum ejus Indicem habeam contextum, quem si Bibliopla velit editioni subnectere, me non habiturus est adversantem. Addidi haec notas marginales Gramondi, qui in sua Historia appellationes Latinas, usitatis in Gallia vocibus illustrat. Quod utinam fecisset Thuanus, ob affectatum etiam in nominibus propriis Latinismum, saepe obscurior. Quinimo hic Furnerii index rarissimis lineis in ampla charta exscriptus mihi est instar Locorum Communium, quorum collocem, quaecumq; in Historiis passim observantur, vel etiam in novellis five certa five dubia profertur. Nec dissimulo levem Geographiae usum futurum, nisi memoriam ejusmodi Index, privata & continua industriâ auctus sublevet. Ast pergam⁹ ad reliqua.

CA-

CAPUT II.

DE USU NOVELLARUM IN GE-
NEALOGICIS.

I.

ETiam hic ex Novellis parum proficiet, qvi famili-
arum principalium penit⁹ rudis ad legendum ve-
lit provolare. Peritiores tamen vel solo hoc admi-
niculo suffulti, notitiam vel augment vel conservant
haud vulgarem. Cum enim singulis annis familiarum
contingant Natales, Nuptiæ, Exeqviæ, istas qvi nescit,
Genealogiam se nescire fateatur. Nec interim nisi per
novellas istarum mutationum admoneri possumus.

II. Germanicas Genealogias usque ad Nobiles illu-
striores persequitur Gabriel Bucelinus in *Germania Topo-
Chrono-Stemmatographica edita Augusta Vindel. 1655*. Solas Prin-
cipum familias aliquoties dederunt Tabulæ Tubin-
genses, quarum ultima Editio 1670. prodiit. Et soleo e-
asdem libenter commendare meis Auditoribus, quod
præcipuis Personis succineta historia velut nota me-
morativa subnectitur. Rittershusius novissimè excusus
1664. Comites quoque & Barones aliquos attingit, sed
annorum duodecim supplementum desiderat. Sanè
quantum ex novellarum relatione licuit addere, à me
non fuit neglectum, sensiq; hujus industriæ aliquam
utilitatem. Sic cum nuper prodiret libellus de Statu
Galliæ, ac inibi legerentur verba; *Le Comte de la Tour marié
depuis un mois à une Princesse de la maison de Brandebourg, laquelle
l'a fait Prince & Vice-Chambellan de l'Empire. Comes Turennius unâ
abhinc mense duxit Principissam è domo Brandeburgica, quæ ipsum
fecit Principem & Vice-Camerarium Imperii*. Ego talia capere
vix potuissem, nisi ex novellis innotuisset, *Fridericum*

B

Mauri-

*Mauritium Mareschalli Turenii ex fratre nepotem duxisse Henrieta-
tam Franciscam Friderici Principis Hohenzollerani filiā. Is n. remo-
tā sanguinis propinquitate Brandenburgicam domū at-
tingit, & Archicamerarii Brandenburgensis est Subof-
ficialis, unde enata homini Gallico scribendi occasio.*

III. Neq; tamen hac in parte supra omnem excepti-
onem sunt Novellæ, quo minus Principum mortes &
Natales falso rumore acceptos communicent. *Sanè falso
nunciata mors Neoburgici ante hos quatuor annos, multis attulit diffi-
ciliorem notitiam, quò tempore Status Juliacensis fœderi Gallico con-
nectebatur.* Interim Poltarum Magistris hac in parte ve-
lim esse curiosiores, ne tot natalium, nuptiarum & ex-
eqviarum exempla penitus remanerent intacta, non
sine præsentissimo eorum damno, qui, quantum ad hi-
storiæ Jurisq; publici culturam faciant Genealogiæ, in-
telligunt.

IV. Non possum facere, quin denuò laudem Opus
Rittershusii, rogemq; Bibliopolam, *nolit repetitionem scripti
utilissimi penitus negligere.* Quod si enim post obitum Viri
celeberrimi deesse videantur, qui supplementi operam
velint suscipere, ego in me recipio non Saxonicarum
modò familiarum illustrationem, sed alia etiam, quæ
potius ipso opere probare, quàm prolixè hic deprædi-
care libuerit. Ut tamen hic extet documentum meæ
voluntatis, ostendam insignem defectum, quem in fa-
milia *Leiningensium Comitum* Rittershusius passus est irrepe-
re. Postquam enim hæc ipsa familia *Reverendissimi & Sere-
nissimi Augusti nostri Conjugio* novum indepta est splendorē,
ipsam Conjugem frustra quæsieris, quæ tamen collo-
cari debebat in *Tab. B. inter nepotes Comitum Christophori.*

V. Cæterum ea familia *Leiningensium* in *Westerburg*
& altioribus initiis meretur deduci, & postmodum cla-

rioribus indiget narrationibus, ut ex adjecto schemate
apparet, quod tamen non nisi ad Westeburgicam
progeniem dirigitur, cum mihi jam sufficiat, Natales
Serenissimæ nostræ Principissæ persequi; cætera com-
modius reserventur ad aliam occasionem.

Sigfriedus Dnus. de Runckel.

Henricus in divisione Sigfriedus Elector
hæreditatis 1288. factus Colonienfis funda-
Dnus. de Westeburg. tor arcis Broëlli f.
Agnes Gerhards Comi- 1290.
tis de Limburg f.

Sigfriedus in di-
visione factus
Dn. de Runckel

Rupertus.

Amœna Johannes Reinhard Bertha
Præposita Kunigunda Catharina nupt. Gerla-
in Reck- Com. de Adolphi co Com. de
lingshau- Sain Com. de Nassau.
sen Nassau fil.

Theodoricus.

Theodoricus per
Conjugem Ana-
stasiam Comi-
tissam de Wied
factus Comes.

Anasta- Kuni- REINHARDUS Dnus de We-
sia gunda sterburg. 1. Elsa Dn. de Runckel.
Johanni 2. Margaretha Comitissa de
Comiti Leiningen cum qva partem Co-
de Wied. mitatus Leiningensis indeptus,
indultu Imperatoris Sigismun-
di cœpit appellari Comes in
Leiningen Westeburg.

Fridericus pro-
pagator Stem-
matis Comitû
de Wied.

CUNO unde Rittershusius Tabulam B. incipit.

Reinhardus.

Cuno.

Georgius.

Christoph. vid. Tab. seq.

NB. De horum proge-
nie quam prætereo
brevitatis causâ vi-
deatur Rittershus,
loc. cit.

CHRI-

CHRISTOPHORUS † 1632. l. Anna Maria Simonis Ungnadii
(hodie dicuntur Comites de Weissenwolf) fil. 2. Walburgis Comi-
tissa de Wied.

1. Margaretha Elisabeth nupta Friderico Land-
gravio Hass. in Hom-
burg.
 2. Johanna Sibylla †
 2. Magdalena Elisa-
beth †
 2. Amalia †
 2. Maria & Catharina
gemellæ †
 2. Philippus. Maria Ju-
liana Com. de Lein-
gen, postmodum nu-
pta Friderico Com. de
Wied.
 2. Juliana Walburgis
nupta Baroni in Knip-
hausen.
- GEORGIUS WILHEL-
MUS n. 1619. 13. Febr.
Sophia Elisabeth Si-
monis Com. Lippia
fil. 7. Maj. 1644.
- Juliana Catharina
- Ursula
- Wilhelmus Christianus 1645.
5. Febr. † 1649. 24. Maj.
Simon Philippus 1649. 4. April.
† 1670. 27. Maji.
- JOHANNA WALBURGIS
1647. 3. Jun. nupta AUGU-
STO Duc. Sax. 1672. 29. Jan.
FRIDERICUS WILHELMUS
1648. 8. Sept.
- Maria Christiana 1650. 28. Jan.
nupta Henrico III. Rutheno
1673. 22. Octobr.
- Sophia Magdalena 1651. 23. Mart.
nupta Ottoni Ludovico Dno.
de Schönburg 1668. 12. Jan.
- Carolus Ludovicus 1652. 28.
Septembr. † 16. Octobr.
- Elisabetha Eleonora 1653. 4.
Octobr. † 24. Octobr.
- Johannes Antonius 1655. 13. Mart.
Christophorus Christianus 1656.
11. Mart.
- Henricus Adolphus 1657. 17.
Aug. † 1658. 21. April.
- Johanna Elisabeth 1659. 27. Jan.
- Anna Augusta 1660. 8. Apr. †
- Georgius Ludovicus 1662. 23.
Jan. † 5. Febr. (Apr.
- Angelica Catharina 1663. 24.
Henricus Fridericus Ernestus
1665. 1. Febr.
- Georgius 1666. 23. Martii
- Juliana Eleonora 1667. 14. Dec.
- Margaretha Sibylla n. & † 1669.
VI.

VI. Visus sum à scopo paululum digredi: sic autem postulabat humillima adversus Patriæ Patrem observantia, ut, quæ ad Familiam ei conjunctissimam facerent, occasione tam commoda non negligerem. Plura persequi instituti ratio vix permittit: siquidem facile possem allegare Filias Friderici Hassiæ Landgravii in Eschwege, quarum altera Christina, Ferdinando Alberto Brunsvicensium Duci in matrimonium cessit; altera Charlotta Augusto Juniori Saxonæ Duci conjuncta, paulo post in luctum vidualem est coniecta, ex quibus Neutram habet Rittershusius; Priorem tantum nominant Tabulæ Tubingenses. Sic in domo Mechelburgica, Nostris Saxonibus ob priorem AUGUSTI Conjugem propinqua, assignatum non reperio Principem natu minimum Adolpum Fridericum: Et quæ suppetunt alia.

VII. Sed videndum quoque de Genealogiis familiarum exterarum, quæ sæpius aliquid lucis à lectione novellarum scenerantur. Sanè Hispanicas prosapias anxie indagare, nobis in Germania natis vix videtur esse usui. Sufficit nosse, quantum de Familiis Ducum ac Marchionum consignavit *Lucas de Linda*. De cætero, si quis sive in militia, sive in Gubernatione Provinciæ evadat clarior, satis est personam noscere: sic in Belgio innotuere *Melos, Caracena, Castel-Rodrigo, Monterey*. in aliis Regnis & Ducatibus alii, quorum progenies rimari nimis foret curiosum. In Lusitania eminet *Domus Braganzina*, ideo notabilis, quod Regios agnatos habet. Ejus vero enarrationem quatuor Tabulis persequitur Rittershusius. Nuper tamen æstate, cum è Gallia nunciaretur *Virginem de Armagnac Comitum de Brionne sororem concedere*

in Portugalliam, ad nuptias Ducis de Cadaval, qui post Petrum, hodiernum siue Regem siue Gubernatorem, proximum haberet ius successione nemo quidem occurrit hoc titulo conspicuus: at, quia Rittershusius ostendit, quo jure Dynastia Cadaval pervenerit ad Bragantinos, facilis est conjectura esse, aliquem ex iis, quos ipse appellat *Marchiones de Ferreira*: Ipsa autem Sponsa sine dubio est *Margaretha* filia *Ludovici Armagnaci*, (qui fortassis post obitum *Henrici Harcurtii* Patris, vocatur *Harcurtius*) ex familia Lotharingica. vid. Rittershus. Tab. Lotharing. A. II.

VIII. Italici Principes aut sunt Majores, *Florentiae*, *Mantuae*, *Modenae*, *Parmae*, quorum familias nemo nescire debet, si velit cum fructu novellas attingere: aut sunt Minores, quorum tanta est copia, ut meminerim legere, *Neapolitanum Pro-Regem* triginta simul *Principes* compegisse in carcerem. Ex istis omnes quis persecutetur? Eminent interim, qui originem debent Pontifici, quales sunt *Rospigliosi* à *Clemente IX.* *Chigi* ab *Alexandro VII.* *Pamphili* ab *Innocentio X.* *Barbarini* ab *Urbano VIII.* &c. Non tamen poenitebit legisse *Stateram* hodiernorum *Cardinalium* aliquoties excusam, quæ multis in locis Italicas generationes illustrat.

IX. In Polonia quilibet è Nobilibus libertatem jactat: sunt tamen Familiae supremis Regni Officiis claræ, quas tamen ultra personas celebres indagare nihil attinet. Duorum *Piaſtorum* nupera electio notabilem reddidit, *Wieſnowickiorum* & *Sobieskiorum* familiam. Ipsa *Sobieskii* Uxor *Marchionis Gallici de Preſvin* filia, effecit, ut *Marchionem* hunc alioquin minoris momenti, obſervare incipiamus.

X. In Anglia præter Regiam progeniem, non est, cur

cur Comitum & Baronum series studiosè nimis inquiratur. Habet tamen aliquam laudem *Monckii* posteritas, quæ *Ducatu Albemarlensi* claret. Nec parva videbatur gloria *Edvardi Hide Cancellarii*, quod Duci *Eboracensi* Regis fratri collocasset filiam: nisi hujus mors ostendisset, hætenus desuisse Angliæ Reges sese miscere cum indigenis.

XI. In Dania & Svecia multi sunt Comites satis conspicui, Germanicisq; negotiis sæpe connexi: quos si quis velit accuratis Stemmatibus exponere, haberent historiæ studiosi, cur sedulitatem deprædicarent.

XII. Maximum negotium nobis facessunt Familiæ Gallicæ, cum quæ Regum sanguinem attingunt, tum quibus aliqua cum Germanis est cognatio. Sicut enim potens Gallorum vicinitas nos ad rimandas eorum historias quàm maximè allicit; ita etiam hujus Genealogiæ necessitatem sæpè deprehendimus. Interim continua titulorum variatio fere invincibilem affert difficultatem. Non ita pridem moriebatur Ducis Engviani filius, quem vocaverant Comitem de Clermont: ejus loco filius secundogenitus Comes de la Marche jam audit comes de Clermont. Mortuus igitur est Clermontius Engviani filius & vivit adhuc. Quod si contingat mori Condæum Engviani Parentem, Clermontius hic inciperet audire Engvianus.

XIII. Egregiam hac in re operam præstitit *Gramondus*, qui Historiæ suæ Clavem familiarum præmisit. Utinam quæ *Exc. Franchensteinus* ad Prioli Historiam commentari cœpit, ultimam manum fuissent experta. Non contemnendus etiam est labor Anonymi, qui 1665. Supremos Redituum Inspectores (*les Sur-intendants des Finances*)

nances de France) descripsit, ac ista occasione multis familiis lucem attulit. Imprimis tamen ipsorum Gallorum industria nobis succurrit, qui quoties libellos suos de presenti Galliae & Aulæ Statu (*L'Etat de la France*) publicant, familiarum personarumq; inibi viventium accuratissimam faciunt mentionem. Neq; carere iisdem potest, qui cum fructu velit Novellas attingere, vel qui Excerpta sua Genealogica cupiat auctiora.

XIV. Equidem obscura Ducum & Comitum nomine persequi nimis foret amplum. Clarius, præter Regem, est Genealogia fratris, qui *Dux Aurelianensis* (*Orléans*) an filius titulo *Ducis Valesii* mortem obierit, certò non constat. Sequitur *Condæi*, cujus filius titulum gerit *Ducis Engviani*: Frater audiit *Princeps Contius*: *Clermontii* Comitem novellæ nuper adjudicabant Engviano: sed *L'Etat de la France* filium dicit Contii. Scilicet ad has angustias redacti sunt Principes sanguinis in Gallia. Sed novissimè relatum est *Regis* *Edicto* filios naturales æquiparandos legitimis, insigni cum injuria legis, quâ creditum est, Regem Principes facere non posse nisi per Reginam. Eminent inter Bastardos *Dux de Vermandois* puer ex *Valliera*; eadem Matre genita *Madamoiselle de Blois*. An aliquos habeat *Montespania*, vel pulchra *Hortulani* filia nondum audire potui. Ex *Henrico IV.* proveniunt *Duces de Vendosme & Verneuil*, item qui ex *Vendosmio* nati *Duces Mercurii & Beaufortii*. Pristinum Ducem *Aurelianensem* *Ludovici XIII.* fratrem reliquisse filium naturalem dictum *Comitem de Charny*, aliquoties memini legere.

XV. Reliquæ familiæ alicujus nominis sunt *Gvisii*, *Ellebovii & Harcourtii*, qui stirpem *Lotharingicam* continent.

gunt? *Bullionenses seu Turenii*. Pater enim, Turenii, nuper in prælio occisi, per Conjugem Ducatus Bullionensis hæres factus est. In hac domo & Fridericus Princeps Zolleranus & Maximilianus Electoris Bavarie frater, quæsiwerunt Uxores. *Tremovillei seu Thouartii*, unde Princeps de Taranto Henricus Carolus, qui apud Hasslo-Casselenses Conjugem invenit; & Maria Bernhardo Saxonie Duci nupta. *Rohanai*, ex qua progenie nuper unus ferale pegma suo sanguine consperfit. *Montmorancii & Lucenburgii*, jamdudum interierunt: extant tamen, qui tituli hæreditatem indultu regis adhuc jactitant.

XVI. Ut redeam ad Novellas, sic ego semper soleo procedere, ut, quæcunq; in re Genealogicâ se offerunt, in scheda tumultuaria consignem, expectaturus, an posterior confirmatio, aut aliud veritatis indicium, tandem approbet, quod notatum est. Neq; abs re fuerit consilere tum Diarii ac Theatri Europæi, tum Relationum singulis nundinis prodeuntium, recentissimos tomos. Temere enim ea Tabulis adscribere, quæ turpius expungantur, non nisi illorum est, qui industriam e librorum mendis & maculis metiuntur.

XVII. Studio Genealogico propinqua est Episcoporum & Prælatorum, imprimis Germanorum, notitia, qui, licet hærede naturali destituantur, continuâ tamen successione, quasi perpetuam generationem videntur referre. Quamobrem nolim omitti, quibus in Ecclesiis, quæ personæ regimen fuerint aggressæ. Exterorum Episcopatum conditionem discimus ex Auberti Miræi tractatu *de Statu Religionis*, quod sufficere potest Lectori novellarum. Cum enim ad Germano-

C

rum

rum splendorem isti non accedant, cur velimus ad singulas personas, earumq; curiosam inquisitionem descendere?

CAPUT III.
DE USU NOVELLARUM IN
HISTORICIS.

I.

Quin utile sit nosse temporis nostri historiam, nemo dubitat. Proinde cum singulis annis novus non emergat Thuanus, defectum hunc non immerito conamur è novellis supplere.

II. Quod si enim quem deterreant incertæ relationes, cogitet nihil esse recipiendum, nisi quod posterioribus repetitionibus confirmetur. Præsertim quæ magnum in rep. momentum habent, falsis rumoribus ita nequeunt corrumpi, quin appareat tandem veritas, si vel maximè circumstantiis quibusdam non omnino lux affulgeat.

III. Est etiam pulchra cautio, si observemus locum, unde proficiscitur narratio. Si enim Neapolitani de victoria Hispanorum, Massilienses de gloria Gallorum multa deprædicent, suspicio est, ne nunci⁹, studio Principis sui, veritati miserit nuncium. Inde vel istas præfero relationes, quæ proveniunt è loco neutrali, vel utriusque partis fabulas inter se compositas concilio, ut inde fluens media sententia fidem mereri tandem videatur.

IV. Certè si Tacitus Tiberii ævum aggressus, in glorium hunc sibi laborem fore conqveritur, *Annal. lib. 4. cap. 32.* Futurus nostri temporis hiltoricus nihil videbit deef-

deesse, quod ad gloriam & admirationem scriptoribus unquam inservit. Tantæ contingunt mutationes, quæ mera seculi miracula arguunt! Rex felicissimus, ditissimus, potentissimus, consumptis viribus & divitiis, fortunam simul decoxit. Rex Germaniæ formidabilis uno impetu fractus est. Castella multo sanguine acquisita, gratis evertuntur. Bellorum nova quasi methodus introducit, sive prælia sive obsidiones sive prodiones etiam intuearis. Prælia non destinato sed raptim & tanquam in transitu committuntur; obsidiones Bomborum, ut vocant, violentia promoventur, ut fere de invincibili castrorum firmitate in universum desperem⁹; Prodiones non millenariis sed millionibus redimuntur. Non Imperator ab Aulæ Magistro; non Rex à Cancellario; non Princeps à Confangvineo; non Soci⁹ à Mediatore; non Miles à milite tutus. Sanè si futuri sunt Posterì, omnium retro seculorum quintam dicent essentiam, quæ nunc paucorum annorum decursu armis & consiliis fuerunt accumulata.

V. Quamobrem si operæ pretium est res adeò magnas non negligere, nondum me pœnituit congestisse in schedas, quæ occurrunt notabilia, sub finem vero aîi collectanea ista redegissem in ordinem, adhibito meliori iudicio. Sic enim spero, historias brevi sperandas, me aliquando & jucundiùs & utiliùs perlustraturum.

VI. Cæterùm ne Benevolus Lector nesciat, quid ego præ cæteris memoriâ dignum judicare soleam, subjeci his discursibus Nucleum Novellarum, intra hos sedecim annos collectum: nunc enim, ne ordo nimium turbetur, libet progredi ad reliqua capita.

CAPUT IV.
DE USU NOVELLARUM IN
POLITICIS.

I.

Hic demum verus ille Usus est, ad quem instrumenta superioribus capitibus designata faciunt. Sed in quo facilis sæpe multorum lapsus est. M. Terentii apud Tacitum hæc erat vox *Annal. lib. 6. cap. 8. Abditos Principis sensus, & si quid occultius parat, exquirere illicitum, anceps, nec ideò assequare.* Nec ineptè Camdenus *Annal. ad an. 1579. p. 299.* hæc ipsa arcana dixit *labyrinthum inextricabilem.* Proinde singulari cautione opus, ne intempestivo iudicio, aut minus reverenter de supremis Majestatibus sentiamus, aut nostram ipsorum imprudentiam eventu planè diverso argui videamus.

II. Cæterum quatenus licita est hæc curiositas, primò in Novellis designantur JURA inter Principes in utramq; partem disputata: quorum quidem exacta cognitio exinde non percipitur; occasio tamen enascitur inquirendi in fontes Legum & Historiarum: cum alioqui nulla ignoti futura esset cupido. Curiosam multorum quæstionem excitavit Ducis Lotharingæ obitus. *Is enim repudiata priore Uxore duxerat Mariam de Aspremont, non impetrato Pontificis indultu. Quamobrem nunc queritur, an pro legitimo haberi possit Filius Carolus Henricus, qui sub nomine Comitis Vaudemontii hætenus claruit? item Filia Anna, quæ maritum invenit Franciscum Mariam de L'isle bonne? Certè validam esse Pontificis declarationem vel inde constat, quod Carolus ex fratre nepos in jura videtur concessisse. Sed aliam quæstionem movet Rex Galliarum. Dum enim*

enim in Literis salvi conductus, quas Legati Lotharingici ad Pacis tractationem profecturi postulant, Ducem nec Fratris nec ipsius Ducatus titulô dignari vult, facile apparet, *Regem credere Provinciam hanc bello acquisitam accrevisse Coronæ Francicæ.*

III. Quamobrem si quis trahatur rerum Politicarum studio, credatq; novellas discursibus eruditioribus esse excolendas, hic demum sentiet, quantû ex Jure publicotum Germaniæ tum Galliæ, ad solam hanc quæstionem requiratur. Quod sanè non sensisset, nisi ex novellis, quantum nesciretur, fuisset perspectum. Proinde quot hætenus oblata fuerunt exempla, quorum occasione quæri potuit de Juribus Legatorum, *an tolerandi apud hostes? an impunè dimittendi, quos novimus in remp. aperire injurios?* & alia multa, quæ circa hanc materiam contra Gallos & Svecos disputata sunt: de Juribus Majestatis, *num Rohaneus privilegia nobilitatis Britannicæ allegans puniri potuerit pro seditioso, ipse tantus Princeps? num Burdegaleses Parlamento & munimentis privandi, quod adversus Quæstores iniquos aliquanto egissent acerbius? &c.* quid multis? quot ejusmodi casus leguntur, tot emergunt admonitiones, esse respiciendum ad fundamenta prudentiæ Politicæ.

IV. Neq; solum perpendi merentur JURA, sed etiam judicium sæpè postulatur de FACTIS. Verum enim est, quod scribit Pasquier *Recherche de la France lib. 3. cap. 11. p. 260.* *Tout ainsi comme aux jeux & comedies, qu' on represente sur un theatre, chacun y entre pour son argent, & se donne loy de juger des bien - ou mal seances des Comediens; ainsi en advient il aux Republiques. Le grands en maniant les affaires d' Estat, jouent tels roolles qu' il leur plait: Les petit en sont spectateurs à leurs despens, & pour n' estre employer aux grandes charges, il leur reste seulement loisir*

de juger des coups. Perinde sicut in ludis & Comædiis, quæ repræsentantur in theatro, qui vis ingreditur solutâ pecuniâ, sibiq; legem dat judicandi de Mimorum sive decentibus sive indecentibus actionibus; ita etiam contingit in rebus. Grandes, qui tractant negotia Stat^o, suas partes agunt pro lubitu: minores spectaculo præsentis contribunt pecuniam: & quia non adhibentur magnis functionibus, iis solum reliqua est occasio judicandi de singulis ictibus.

V. Quoties quæsitum fuit, an Petrus Portugalliæ Princeps justè fratrem Alphonsum regno deturba verit, ejus uxorem in suos amplexus vocaverit, miserum & regni & thalami viduum in Terceram Insulam deportaverit? quin etiam an Pontifici integrum sit circa matrimonium proximæ Affinis vivente marito dispensare? Sic sciimus Marito Marchioni ereptam uxorem, ipsum dolore legitimo correptum tam diu latuisse in carcere, donec literis reversalibus testaretur se non esse mentis compotem. Quid dicam de nuperis actionibus præfidiariorum Philppiburgensium, qui contra omnem belli rationem Bruchsalensem Civitatem, ad solvendas contributiones promptam, nullisq; injuriis vel odiosam vel suspectam, subiecto igne irverunt eversum? Plura de casu Lobkovitzii, de captivitate Fürstenbergii, de erepta Colonia Gallorum pecuniâ &c. item ex adverso de nece Wittiorum, de divortio Florentio, de expilatione Monasteriorum in Gallia &c. sese consideranda exhibent.

VI. Sed Politicus etiam rimari conatur CONSILIA: si enim vel maximè arcanorum conclavium secreta, ad nostros oculos non perveniant; est tamen non contemnenda ingenii exercitatio, si is actionum causas sive veras, sive apparentes inquiramus, vel, quid alii judicent, observemus. Ponamus Messinam, quæ jam à Gallis tenetur, & cui Ludovicus Pro-Regem Siciliae ausus est imponere. Certè quid Hispanos permoveat, cur lentius procedant, imò, cur nuper Hollandorum victo-

viciniam suis suppetiis noluerint reddere consummatam, exteri nesciunt. Interim licet indulgere conjecturis, ideò nolle *Hispanos Gallorum spes in Sicilia suffocare, ut isti magnam virium partem, utilius Belgio vel Hispania injiciendam, sine fructu dilapident in mari mediterraneo.* Sive enim spectes praesentia; *Siculi videntur digni, qui à Gallis premantur: sive spectes futura; ob Regni Neapolitani propinquitatem, non esse, cur Galli firmiorem ibi sedem figere posse videantur, cum praesertim vesperarum seculorum memoria apud indigenas nondum evanuerit.*

VII. Sufficiat hæc terigisse de Consiliis, quæ rectius inter familiares amicorum discursus, quam in publica hac charta solent ventilari. Pergo ad EVENTUS, unde nobis futuri temporis aliqua accedit divinatio. Moriebatur non ita pridem Sabaudia Dux: posset itaque quis conjicere, quemadmodum ao. 1637. Mater nationis Gallicæ susceptâ tutela Hispanis fuisset iniquior; sic hodie, durante inter utramq; Coronam bello, Gallorum favorem fore potius: sed si vicissim attendatur, Gallos sibi vix suffecturos parum nunc laborare de sociis; Hispanos autem viribus Germanorum conjunctos promptam habere nocendi occasionem: absurdum non fuerit divinare, futuram in Statu Pedemontii Neutralitatem.

VIII. Nescio, an audacia procedere debeat ad notandos ERRORES. Certè ad omnes provoco, quicumq; legere solent novellas, an sibi temperaverint à censoria libertate, cum legerent, *Gallos occupatis Hollandiæ Urbibus statim moliri religionis reformationem, nondum firmatâ possessione, nec etiam subactis eorum animis, quos sciebant hac mutatione offendi: Eosdem à Mesinensibus spe libertatis advocatos, Nobilium Senatum abrogare, & graviora imponere, quæ perpeffa non fuerant*
sub

sub Hispanis: Nunc etiam Limburgi, Citadella Leodiensis, nescio an Trajecti demolitiones festinari, cum eorundem occupatio tot animarum millibus fuerit redempta.

IX. Sanè profunda interdum Politica, dum errare simulat, summæ prudentiæ gloriam meretur. Quod de Mazarino notavit Priolus *Hist. lib. 10. cap. 21.* Quippe cum mitteretur ad tractatus Pyrenæos, multi judicabant, virum specie honoris ab Aula remotum, nunc inclinare ad casum: nescientes interim, quantum ipse universi Regni arbitrium hoc itinere acquisivisset. Hinc omnes, præsertim Germanicarum actionum Censores, velim rogatos, nolint præcipiti errore inter errores collocare, quod hætenus cunctando vel dissimulando adversus hostes gestum est: Quin credant potius in ambigua hac fortunæ alea non impetu, sed morâ, non temeritate, sed iudicio allici victoriam.

X. Magnum quoque monumentum in Politicis habet **TRIBUTORUM EXACTIO**, cujus exempla utinam ab exteris perscripta multis non usque ad praxin innotescerent. Sanè quantum sub isto onere laboret Gallia, singulis fere septimanis legimus. Officia summo pretio venduntur. Ecclesiasticis, nisi quod ad victum requiritur, nihil reliquendum esse decernitur. Charta non nisi signata, magnoque pretio redempta in Actis & literis apud judicem validis jubetur adhiberi, addita pœna contractus invalidi, si scriptum sit in charta vulgari. Quin etiam Aurifabri signatum argentum vendunt; signi autem impressionem quinta pretii parte redimunt. Audio Capillitorum Confectores nuper redactos ad certum numerum, ut saltem, qui essent inclusi, Privilegium emerent, qui essent exclusi, novâ pre-

pecuniâ antiquam libertatem acquirerent. Nescio, an obtinuerit Consilium, neminem in universo Regno pro legitimo Nobile esse agnoscendum, nisi qui nummum Regis effigie signatum 200. libris redemisset: cum tamen ipsius nummi pretium excedere non posset 8. vel 10. taleros. Sic in Subditorum multitudine & paupertate Rex habet fodinas metallicas. Taceo reliquorum Statuum artes, quæ in novellis sæpissimè attinguntur.

XI. Quid dicam de STATU Regnorum & Rerum? qui nunquam ita potest cognosci, quin subinde novæ mutationes annotentur, quæ sive modum administrandi, sive ipsam formam afficiunt ac evertunt. Et sanè incidimus in tempora, quæ varias & mutabiles casus attulerunt, graviores imposterum portendunt, ut nunc, qui velint libris, vel ante hoc quadriennium editis sapere, nec adhibeat singulorum ferè mensium insignes mutationes, quasi in tenebris videatur versari.

XII. Hæc de Politicâ. Sed referri ad hanc disciplinam quoque solent AULICA, quæ quidem in nudis & quemadmodum aliqui intempestivè judicant, vanis consistunt Ceremoniis; interim ob connexionem quam habent cum negotiis saluberrimis, à Prudentum curâ nunquam possunt abesse. Locum hic præcipuè inveniunt Ritus coronationum, Exequiarum, recipiendorum Legatorum, Jubilæorum, Natalium &c. quæ alioquin ad servandum Aulæ splendorem contribuant, ac à Novellarum scriptoribus studiosè colliguntur. Quibus addi possunt singularia cujusvis nationis, velut diversa Aularum constitutio, diversa officiorum

D

nomi-

nomina: porro si libeat descendere ad specialiora, diversi Equitum ordines, Sanatio Strumarum in Gallia & Anglia, Certamen arietum in Hispania, Oblatio Equi & 7000. Coronatorum annua, facta Pontifici ob regnum Neapolitanum &c.

XIII. Ad Aulica verò pertinent CAUTIONES, ET CONTROVERSIARUM COMPOSITIONES, quæ interdum prudentissima ingenia solent fatigare. Egregiam certè cautionem hodie videtur affectare Gallia Rex, qui intelligens tractatus Pacis fore irritos, nisi Dux Lotharingia suos simul mittat Legatos; neq; tamen in literis salvi compassus eundem vult nominare Ducem, ne quasi per propriam confessionem videatur abdicare suum jus, hoc invenit expediens: Nomine Regis Angliæ, qui est Mediator, omnes ejusmodi literas posse concedi, habituras utrinq; suum vigorem. Sic enim credit, satisfieri posse & suo honori & ducis prætensionibus. Incidit hoc loco, historia belli Anglo-Belgici, quod ante hos decem annos latissimam in novellis faciebat paginam: quippe sub ejus initium Gallus fœdere Hollandico constrictus, ne irritaret Anglos, cautâ explicatione respondebat, *Pacta ultra Europam non esse extendenda: belli vero causam in Africa esse repositam.*

XIV. De Controversiis PRÆCEDENTIÆ plura sese offerunt, quæ ex novellis notata, lumen in rebus Aulicis non obscurum præferunt. Rex Gallia Pares inter se discordes non sedendo sed stando jussit deliberare, ut quocunq; loco quis occuparet coronam, stationem servet sine præjudicio. Archi-Episcopus & Elector Colonienfis ante hos annos in Italiam proficiscens Romam potius adire noluit, quàm experiri Contro-
ver-

versas Cardinalium de prærogativa præ Electoribus. Memini Legatum Anglicum Duci Holsatiæ noluisse cedere, sed post longas disputationes, svasu mediatorum sese offerentium, quemvis verso curru domum rediisse. Memini Principem Arausionensem Legato Gallico oblatum, ne videretur cedere, nec tamen irritaret tantum Regem, simulasse voluntariam digressionem in tabernam nescio cujus mercatoris.

XV. Cur multa hic repeto? Quidquid in Politica curiosum aut proficuum est, istius exempla vel adnacula vel admonitiones peti possunt è novellis. Utinam, qui legunt, præsertim inter Studiosos Studio Politico addictos, socios quærent, continuandis discursibus aptos: sic demum agnoscerent, quantam experientiae vim exinde liceret percipere.

CAPUT V.

DE USU NOVELLARUM IN QVOVIS CURIOSORUM GENERE.

I.

QVo magis de Novellarum usu cogito, eo amplior scribendi campus se aperit. Nihil enim in omni Eruditionis imo & artificiorum genere est, quod non attingatur, ac adeo à lectore sedulo discursibus accuratioribus extendi cupiat.

II. THEOLOGI observant varias religionum controversias, & quicquid à religionis sive curâ sive prætextu solet fluere. *Romanenses quanto apparatu Petri successor à suo, scilicet, Antecessore distingvatur, docent, quoties statum aulæ Pontificiæ describunt. Quæ sit libertas Ecclesiæ Gallicanæ, ut ne quicquam urgente Papa, nec ejus infallibilitatem, nec adversus Con-*

et illa auctoritatem, uno verbo, Concilii Tridentini placita recipiat; Quæ Fansenistarum fuerit condemnatio vel tolerantia; Quis inquisitionis Hispanicæ hodiernum rigor sit; quomodo Anglia tùm à fanaticis tùm à Pontificiis vexata, semper Edicta publicet, semper in causa Pontificiorum conniveat; quomodo Suecia nuper in Dalekarlorum provincia Diabolicis Religionibus fuerit immersa; quæ tandem Ecclesiarum quarumlibet sit conditio, sæpè ex novellis admonemur.

III. JCTI dum judiciorum & suppliciorum varias deprehendunt formulas, aliquid inveniunt, unde procedat ulterior meditatio. Pauci certè fuerunt ex quo tempore Gallorum Rex Codicem Ludovicianum emisit in lucem, qui libri videndi aliquo non laboraverint desiderio. Sunt etiam rara & extraordinaria exempla, quæ oblivionem omninò non merentur. Sic 1666. Antverpiâ scribebatur Principem Turqviniū, qui Uxoris sororem insidiis lethalibus fuerat aggressus, mirabili modo mortis effugisse supplicium. Lucantus enim carnifex, jam percussus strophili, quo velaverat oculos, nodo innoxium ictum cervici inzulit, quod sentiens iste, in medium populum è carnificis manibus sese proripuit, retractus & in curiam relatus, salutem ac veniam impetravit. Judicium Condæi nuperis novellis laudatum ita se habebat: Gravidæ ejusdem aulæ puella, jussa Patrem nominare, omnes dixerat ministros & famulos, in querendis suis amplexibus nimium concordēs: Princeps igitur forte statuit eligendum, qui Patris vices in se reciperet, futurisq; nuptiis ignominiam puellæ corrigeret. Designatus est Coqvus, cui ad levandum tantæ affinitatis onus, reliqui salarium, quantum dimidio anno perciperent, jussi sunt exsolvere. Plura invenerit, quem talia delectant.

IV. Quantum MEDICI novellis afficiantur, ego

ego non observari. Meminitamen varia medicorum nomina, & molimina adduci. *Quoties Delphino fuerit secta vena*, quod curandi genus in nostra patria crederetur lethale; *quam indignè Rex Gallia nuper tulerit mortem filii secundogeniti, asserens velle se futurum, si quem tolleret, filium simplici cibo nutritum, Medicis ne quidem ostendere.* Imo quis non dolet, allato nuncio, celeberrimi Bartholini Bibliothecam, cum manuscriptis auro carioribus flammarum vi consumptam? Quis Borrii vicissitudines non miretur? Quis lapidem Magneticum nuper Casari exhibitum, qui faceret adversus venenum, nolit videre & cognoscere?

V. An Philosophiæ speculativæ in novellis habeatur ratio, nolim asserere. Habet tamen PHYSICA, quod non rejiciat, vel etiam suo judicio explicet. Fuisse aliquem in Gallia, qui aquis marinis reddere vellet dulcedinem bibendo aptam; alium aquas transire voluisse, sine vitæ periculo, non ita pridem legimus. Nuper magnam fabulam de Avibus in Comitatu Burgundiæ pugnantis referebant illi, qui *avias* videbantur præ se ferre: nec defuerunt, qui rem insolitam magni miraculi loco ponerent. At, qui observavit ex Aldrovandi Ornithologia lib. XX. cap. 5. in oris Belgii novum hoc non esse, simulq; aspiciat varias avium formas ibidem depictas, parcius fortè mirabitur.

VI. Pulchriora inveniunt, qui MATHEMATICIS & MECHANICIS studiis delectantur. Quot enim hoc bello cymbarum, pontium, machinarum pyriarum, quas Bombos vocant, armorum, fortalitionum, aliarumque inventionum genera prodierunt? Gallia Rex ductâ fossâ Mare mediterraneum cum Oceano

no ausus conjungere : quod in sua ditione Elector Brandenburgicus imitatus, juncto cum Albi Viadro, fluvio Oceani Germanici, cum fluvio maris Balthici. Surrexerunt aliquoties, qui in quovis loco determinatum Longitudinis, ut vocant, gradum observari posse jactitarunt. Habuimus anno 1664. Eclipsin Solarem, à plerisque Calendariographis non observatam. Habuimus Cometas; nescio, an etiam novas Stellas. Habuimus plura excitandis ingeniis aptissima.

VII. Penè omissem POETAS ET PHILOGOS, qui dum varias Comædiarum inventiones, Arces Triumphales, Emblemata Coronationibus, Natalibus & Exequiis dedicata, ac alias animorum alacriorum delicias in novellis observant, non negaverint, in isto etiam prato sibi aliquos sepositos esse flores.

VIII. Cæterum, nescio, quorsum commodè locentur acutæ inscriptiones, quibus maxime luxuriant Romanorum ingenia, postquam Pasqvini & Morfarii lapides loqui didicerunt. Sanè semper damnatur Censorium hoc scribendi genus, & semper à curiosis colligitur. Extant Pasquillorum Tomi duo, completentes, quicquid aculeorum à tempore Alexandri VI. usque ad Sixtum V. Romanis Proceribus fuit immisum: at raritas exemplarium nullibi apparentium arguit emptores adfuisse nimium copiosos. Repetitum hoc opus, & ad nostri seculi tempora continuatum fuisse, Amicus olim ex Italia redux memorabat: cujus tamen Libri ne vestigium quidem deprehendere licuit. Pertinent huc Argutiæ manuscriptæ, quas in-

cer-

certo Auctore vulgatas, quoniam de negotiis publicis liberè judicant, omnes describunt, exosculantur, imò inter arcana Bibliothecarum recondunt. Pertinent huc imagines & numi, quibus concinnandis Batavi semper visi sunt affectare præ cæteris gloriam. Sic quos ob potentiam apertè non licet arguere, tacita censura fugiendæ ignominiaè sæpius admonet: permittente DEO, ut monitores inveniant, qui monitionibus adversantur. Multos tamen in hac licentia mortem vel ignominiam invenisse certum est.

IX. MERCATORIBUS conducere novellas vel ideò clarum est, quod ipsorum sumptibus Postarum onera quàm maximè sublevantur. Est tamen circa rem pecuniariam in singulis Statibus discrepantem, aliqua cautio ad omnes novellarum lectores pertinens, ut Libras Anglicas à Gallicis & Belgicis, Miliones Germanorum à Gallicis discernere: imò Scutatorum, Pataconorum, Talerorum, Crusadorum, & quæ reliqua sunt nomina, æstimare discant ad monetæ patriæ valorem. Cum enim pecunia omnium rerum publica sit mensura, vix aberit à confusione, qui mensuræ certam quantitatem non intellexerit.

X. Nihil dicerem de MILITIBUS ET NAUTIS, nisi terminorum militarium & nauticorum ignorantia plerisque narrationibus induceret obscuritatem. Operæ foret pretium Lexico comprehendere vocabula, sæpius ab exercitatorum intellectu aliena: ut in Germanicis, Gallicis, Belgicis aliisque vocibus hoc haberemus, quod Pexenfelderus tentavit in Latinis.

XI. Neque falluntur, qui ludicrorum causâ legunt
no-

novellas, quorum magnam nubem facile liceret congerere, si aliquam in hoc scripto ridendi materiam captarem. Properat magis animus ad Nucleum Novellarum Capite III. promissum. Nam hæc etiam, quæ scripsimus, quasi per lancem saturam libuit congerere, ut saltem ineptias suas agnoscere discant, ii, quibus novellarum cura penitus frigere aut sordere videtur. Cæterum ex his, quæ sequuntur, apparebit non defuisse nobis materiam, si Geographica, Genealogica, Historica, Politica & reliqua curiosa voluissimus latiori exemplorum apparatu circumvestire. Nucleum verò hunc quod attinet, equidem plura poteram sistere, si per otium licuisset Theatri & Diarii Europæi, item Relationum Francofurti & Lipsiæ prodeuntium tomos, vel etiam Mercurium Hollandicum hoc bello inchoatum perlustrare: sed, qui excerpso Novellas, cavere simul debui, ne prolixitas in amplitudinem historiæ excresceret, ac cum nucleo corticem quoque proponeret.



NU

NUCLEUS NOVELLARUM

Ab Anno 1660.

usq; 1676.

M D C L X.

In GERMANIA celebratur Jubilæum, ob impetratam ferè per omnes Christianorum provincias pacem.

Monasteriensis Civitas Episcopo se opponens fœdus pepigerat, 1658. cum Hollandis: damnata tamen 1659. à Judicio Aulico hoc anno jubetur subire jugum.

Erfurtenfes tertiâ vice à Commissario Cæsare admonentur, ut introducerent preces è Cathedralis Ecclesiasticis pro Electore Moguntino.

16. Apr. moritur Elisabetha Charlotta, Electoris Brandenburgici mater, è domo Palatina.

4. April. moritur Enno Ludovicus, Princeps Frisæ Orientalis inter venandum egro delapsus.

Mens. Septembr. moritur Johann Casimirus, Princeps Anhaltinus in Dessau.

Mense Decembri ventorum vi undiq; sevit, non sine adificiorum, sylvarum & præcipuè navium clade.

In ITALIA Florentinam deformat incendium fortuitum.

TURCA Georgium Ragozkium, Transylvaniæ Principem invadit, quòd sine indultu Svecis adstitisset contra Polonos. Ragozkus in prælio occumbit, Waradinum fortaliu celeberrimum cedit Turcis.

Constantinopoli flamma vi 60000. ades destruit.

In GALLIA postconclusam 1659. Pacem Pyrenæam hoc anno

9. Jun. recipitur Regia Sponsa Maria Terefia Regis Hisp. filia.

Massilia maris mediterranei civitas domatur, imposito Castello.

Arausio Urbs media in Gallia ad Principem Arausionensem spectans, à Rege occupata, mœnibus nudatur: promissâ restitutione, si Princeps minorennis decem annorum adolefceret.

Circa Burdegalam Terra motus excitatur.

E

Joh.

Job. Baptista Gaston, Regis Patruus, Dux Aurelianensis, sine prole mascula moritur.

In HISPANIA feliciter pugnatur adversus Lusitanos: Mauri ab istis in auxilium vocati, antequam exscenderent, ab Hispanis dissipantur. At Classis in Occidentalem Indiam destinata Gadibus excedens tempestate correpta maximam partem mergitur.

In ANGLIA Parlamentum superius à Cromvelo abrogatum restituitur.

Rex in exilio degens d. 14. April. Bredâ scribit ad Anglos, redirent ad officium, se veniam omnibus indulturum.

Inde Consilia ineuntur recipiendi Regis, qui ex Hollandia solenniter in Regnum reducitur.

Generalis Monkius, cujus opera negotium successerat, creatur Dux Albemarlensis.

Jacobus, Regis frater, Dux Eboracensis, Eduardi Hyde Cancellarii filiam sibi collocat.

Episcopi, ante Cromveli tempora jam abrogati, restituuntur. Auctores Regicidii variis supplicii afficiuntur.

In SEPTENTRIONE d. 23. Febr. moritur Carolus Gustavus, Sveciæ Rex adversâ belli fortunâ fatigatus: succedit filius quinque annorum Carolus XI.

D. 27. Maji inter Danos & Svecos concluditur Pax Hafnienfis.

Rex Daniæ Fridericus III. Pace feliciter restitutâ, à Statibus obtinet, ut ex Regno electio fieri paterentur absolutum & hæreditarium.

Berga Norvegiæ patitur incendium.

In POLONIA. d. 10. Maji componitur Pax Olivenfis, ab Oliva Prussiae Monasterio sic dicta, inter Imperatorios, Brandenburgicos, Svecos & Polonos.

Ceterum in Polonia & Prussia ingens fames filiorum carne Parentes satiat.

In BELGIO Seelandi principis Arausionensis partes amplexi, eundem reliquis Provinciis commendare incipiunt; nec videbatur negligi posse maximè propinquus Regis Angliæ agnatus.

M DC

M DC LXI.

In GERMANIA Monasteriensis Episcopus Civitatem Mense Aprili occupat, eamq; nudat omnibus propugnaculis.

Theodorus Adolphus, Paderborna Episcopus, moritur, succedit Ferdinandus, Comes Fürstenbergius.

Tremonis lapsa turris subiectum templum nimis deformat.

In ITALIA Roma condemnatur Borrus ob nefandam haresin : ipse fugiens per Germaniam & Hollandiam medendi artem jactitat, Romæ crematus in imagine.

Cosmus, Florentia Dux, sibi collocat d. 19. April. Margaretam Loysam Gastonis Ducis Aurelianensis in Gallia nuper defuncti filiam.

Terra motu varia oppida destruuntur, aut fadè lacerantur.

TURCA parat bellum Hungaricum.

In Transylvania Principatum sibi arrogat Kemini Janos stans à partibus Cæsaris, adeoq; Barckzajum à Turcis pendentē securi percutit Turcæ à Venetis apud Insulam Melon in Archipelago insigni clade afficiuntur, cum prius in Dalmatia terrestri prælio fuissent fugati.

Pirata Africani nimis progressibus mercaturam Christianorum affligunt

In GALLIA inter medias voluptates Parisiis magna pars regis Palatii incendio consumitur.

Cardinalis Mazarinius d. 15. Mart. Vincennis moritur ; Rex ab eo scriptus hæres.

Apud Nannerenses macellum emptoribus plenum corrui, non sine multorum clade.

Mense Augusto Nicolaus Fouquetius, Redituum supremus Inspector, compingitur in carcerem.

10. Octobr. dum Legatus Svecicus, Comes Braheus, Londini ad Regem Angliæ ingressum parat, inter Estradam Galliæ & Batavilleum Hispaniæ Legatos oritur præcedentiæ controversia, vincente Hispano, qui dissectis rhedæ Gallicæ funibus, ipse loco funium catenas corio obductas habens, sine impedimento progreditur. Galliæ Legatum Rex Parisiis degentem jubet excedere ; Suum Madritio revocat.

Die omnium Sanctorum nascitur Regi Filius Ludovicus XV. postea dictus.

In Hispania 6. Nov. nascitur Carolus, postquam 1. Nov. expirasset Philippus Prosper.

Hispanorum castra à Lusitanis diripiuntur. Illos tamen paulò post solatur classis argentifera, Regi afferens 15. milliones.

Marchio Caracena, antequam Belgii gubernationem deponeret, simulans Antverpiæ obsidionem, ingentem à civibus pecunia summam impetrat.

In ANGLIA detegitur Conjunctio in Regis & Urbis Londini exitium suscepta.

Duci Eboracensi ex filia Cancellarii nascitur filius.

Vennerus quidam, obscuræ conditionis homo, Episcopis insensus cum Latronum manu Londinum invasurus, miserè cum suis perit.

Cromwellii cadaver erutum publicè suspenditur, caput ad Turrim Westmonasteriensem affigitur.

Inter Anglos & Danos renovatur antiquum fœdus, quod tempore Cromwelli à Danis non fuerat observatum.

Regi despondetur Catharina, Regis Lusitanæ soror, dotisq; loco simul promittitur Tanger s. Tingi in freto Gaditano fortaliti-um Africæ.

Rex solemniter coronam suscipit d. 3. Maj.

Mense Junio Convenantium s. pactum Status Ecclesiastici olim Regi extortum, & Presbyteriano regimini favens, publicè per Carnificem comburitur.

Scotia Episcoporum Regimini valde adversa sensim exuit ferociam, receptis Episcopis.

Idem succedit in Hibernia.

Classis Anglica frustra molitur obsidionem Algeriæ in Africa.

In SEPTENTRIONE Sveci pacem non ita pridem cum Russis pactam confirmant: sepositis interim finium controversiis.

In POLONIA Carneckius Generalis insignem victoriam à Russis reportat.

Ast milites nuper in bello Svecico utiles, cum stipendia non solverentur, assumptò Confœderatorum nomine, nimium graves evadunt Reip. maximè bonis Ecclesiasticis, quæ alioquin ab oneribus libera videbantur esse lautiora.

In—

In BELGIO *Archiepiscopus Coloniensis frustra postulat restitutionem Rheinbergi spectantis ad suam ditionem.*

Georgius Christianus, defuncti Principis Frisie Orientalis Frater, Em-dam praefidis Hollandicis munitam tentat: sed interpositu Batavorum redie utrinq; quies.

Hollandorum mediatio in causa Monasteriensi rejicitur.

In Orientali India feliciter pugnatur adversus Lusitanos. Ast in Insula Formosa Hollandi Barbaris cedere coguntur Novam Seelandiam.

In Gvineæ Africa prope viride Promontorium Angli Batavis extorquere conantur Imperium.

Cum Lusitanis concluditur pax, ubi Lusitani promittunt solutionem 800000. florenorum.

M DC LXII.

In GERMANIA metus belli Turcici latè dissipatur, inde ad deliberandum de auxiliis Comitia Ratisbonensia indicuntur.

Passavia ad Danubium incendio deletur.

Ludovic. Henricus, Princeps Nassovius in Dillenberg d. 9. Maj. moritur. d. 20. Maj. moritur Wilhelmus, Dux Saxo-Vinariensis.

Leopoldus Wilhelmus, Archidux Austria, Imperatoris Patruus, Episcopus Patavinus, Argentoratensis, Olmuciensis, Vratislaviensis, Magister Ordinis Teutonici moritur d. 20. Nov.

In Episcopatu Argentoratensi succedit Franciscus Egon Comes Fürstenbergius.

In Magisterio Ordinis Teutonici Carolus Josephus, Imperatoris Frater. Ferdinandus Carolus Archi-Dux Oenipontanus 30. Dec. moritur, succedit frater Sigismundus Franciscus.

In ITALIA Romæ Carolus Dux Crequius, Regis Galliae Legatus, violatur. Corfi enim, militum genus, à quibusdam Burgundis exacerbati Legati ædes, inò uxorem rhedâ veſtiam invadunt, Legatus discedit, Rex Galliae meditatur ultionem.

Mutina moritur Dux Alfonsus.

Venetis mense Septembri navalem Turcis victoriam extorquent, captis aut everſis navibus, quæ Constantinopoli Ægyptum tendebant.

TURCA excluso Kemini Janos Transylvaniæ Principem constituit
Michaëlem Abaffy.

In GALLIA ob inundationem aquarum sterilitas, ex sterilitate ingens
fames, ex fame pestilentia.

Mense Febr. pacta ineuntur cum Duce Lotharingæ, ut ipse recipe-
retur inter Principes regii sanguinis; interim Regi transcribere-
tur omne jus in Lotharingiam. Carolus, Ducis ex fratre nepos,
se exclusum videns, fugit in Germaniam.

Galliæ Rex arcto fœdere cum Hollandis jungitur.

In minori Britannia, quod aucta essent vectigalia, plebs tumultuatur.

Idem ob salis vectigalia agunt Bononienses, sed male multati respiscunt.

Dunkerka Flandriæ portus, quem Angli hæcenus possidebant,
solutis quinque florenorum millionibus, ceditur Regi Galliæ.

Regina parit filiam.

In HISPANIA Duce Johanne Austriaco suscipitur expeditio Lusita-
nica: Lusitani crudelissimè tractantur. Paulò post Hispani accepta
clade quasi crudelitatis pœnas solvunt.

In Lusitania Regina matri cum filio minus bene convenit.

In ANGLIA Rex Sponsam Portugallicam sibi jungit d. 21. Apr.
Lauson Thalassiarum Algeriensibus piratis extorquet pacem.

Multi ex Regiæ Judicibus ad supplicium trahuntur.

Angli cum Hollandis d. 4. Septembr. super variis controversiis
transigunt, pacemque firmant. Imprimis ab Hollandis promitti-
tur, velle se ad occursum navium Anglicarum vela demittere, ac
Insulam Puleron in Orientali India restituere, quod promiserant
jam 1622 &c. Excipiuntur tamen casus difficiliore, imprimis præ-
tensio Anglica ob ereptas duas naves, quarum pretium excedit
1700000. florenos Hollandicos. Inde prudentiores judicant tra-
ctatum hunc non fore diuturnum.

In SVECIA destinatur solennis legatio ad Imperatorem, ob con-
firmanda Germaniæ feuda: quò nomine solennis introitus in ur-
bem Viennensem negatur, quod veniret tanquam à Vasallo non tan-
quam à Rege.

In POLONIA Confœderati quamvis exercent licentiam, indigna-
bundi adversus Regium Procancellarium Patzium, qui videbatur
id

id agere, ut Dux Engvianus, Reginae ex sorore nepos, destineretur
successor Regni.

Prussia hujus militis infensam saevitiam non minus experitur.

In RUSSIA ob adulterinam monetam oritur civium seditio, quam Au-
ctores & Complices gravissimis poenis luunt.

In HOLLANDIA pax fit cum Tunetanis piratis.

Horrenda aquarum inundatio multis urbibus videtur minari extre-
mam cladem.

Lusitanis in Orientali India eripitur Cananor, Cochin ad futuri an-
ni praedam sepositum obsidetur.

M DC LXIII.

In GERMANIA strenue aguntur Comitia, quibus sub anni finem
ipse Imperator cum multis Principibus accedit.

Adamus Laurentius Comes Toringensis fit Episcopus Ratisbonensis.

Argentomenses, auctoritate Regis Galliae permoti, controversias cum
novello suo Episcopo deserunt.

Episcopus Monasteriensis nomine Principis Liechtensteiniensis à Principe
Frisia Orientali postulat 300000. taleros, decreto Imperatoris adju-
dicatos, ac per stratagemam occupat fortissimum Eyderanum. Hollandi
moliuntur amicam compositionem, oblata ad solvendum pecunia, post-
modum offensis armis.

Mense Octobri Christianus Dux Megapolitanus linea Sverinensis in
Gallia discedit ad Religionem Pontificiam.

Mense Decembri Sponsalia Imperatoris cum Margareta Hispanica
confirmantur.

Erfurcenses facilem Imperatorium, in causa Moguntini venientem d.
8. Octobris ex equo deturbant, verberibus affectum dimittunt: paulo
post milice Moguntino irritati seditionem excitant, Consulemq; Lim-
prechtum d. 30. Nov. capite truncant. Inde graviores merentur
Banni declarationem.

In ITALIA Romae Castellum Angeli caelitus tangitur, Angeli in summa
arce umbrium excutitur; insignia Pontificis deformantur. Aliqui inde
augurantur calamitatem belli Gallici.

Florentia Cosmo III. Duci nascitur filius mense Augusto.

Mar.

Margareta Sabaudica Rainutii Ducis Parmensis Conjux moritur, thalamo Parmensi destinatur Isabella Estensis, Mutina Ducis filia.

Rex Galliarum causam Parmensem adversus Papam suscipiens urget restitutionem Ducatus Castri, 1644. sub debitorum pretextu ereptum. Rex quidam sive Princeps Maroccanus ex Africa, Neapoli degens, fidem Christianam amplectitur.

TURCÆ immixtis Tartaris Hungariam & Moraviam miserè deprædantur.

Forgatschius Neuheufelium à Turcis obsessum, post strenuam defensionem, non expectatis suppetiis, factâ ditione relinquit.

Interim Nicolaus Serini Comes, Turcas primò ad Carolostadium, postea ad Muram fluvium feliciter profligat.

In GALLIA Civitas Avenionensis, alioquin Juris Pontificii occupatur: quin etiam Pontifice fulmen minitante respondetur, fieri posse, ut Ecclesia Gallicana regeretur per peculiarem Patriarcham.

Mense Martio moritur Edvardus Palatinus, Electoris frater, jus naturalitatis in Gallia adeptus.

Ob tractatum superiori anno cum Lotharingo initum quæritur, causa invadendi Lotharingiam, Marsal fortalitium nobilissimum occupatur.

Mense Decembri Fœdus Helveticum solennioribus Ceremoniis confirmatur, intercedente utrinque juramento.

Dux Engvianus Henricus Julius Loysum Edvardi Palatini filiam splendidis nuptiis Conjugem indispicitur.

Paulò post in Parlamento præsentè Rege quatuordecim creantur Duces & Pares Franciæ, de Vernevil, Marechalli d'Estree, de la Mesleraye, de Grammont, de Villeroy, de Mortemar, de Mazarin, de Foix, de Crequi, de Coaslin, de Navailles, de St. Aignan.

Fouquetius coram judicio graviter examinatur.

In SABAUDIA miseri Waldenses crudeliter habiti, tandem se defendunt, Hollandi collectis Eleemosynis eos recreant.

Francisca Magdalena Gastonis Ducis Aurelianensis filia Carolo Emanueli Duci collocata, sub initium anni sequentis moritur.

In HISPANIA Commissarius Financiarum Joh. de Gongrona Reptundarum reus ex carcere respondet.

Joh;

Joh. Austriacus in Lusitania Eboram capit, sed ad prælium adact9 gravissimam ac pudibundam cladem patitur. Interim Lusitani victoriâ frui malunt, quàm uti.

In ANGLIA Quackeri publicam securitatem turbant.

Angli ab Hispanis in India occidentali læsi Cubam Insulam invadunt, expulsisque incolis & incensa S. Jacobi Urbe discedunt.

In SEPTENTRIONE Cornificius Uhlesfeldius, Regis Danici primarius Minister, conspirationis reus aufugit.

Comes Konigsmarckius bello Germanico clarus in Suecia moritur.

d. 3. Aug. Stetinum Regi Sveciæ præstat homagium.

d. 10. Octobr. Johanni Georgio III. Electorali Saxoniz Principi despondetur Anna Sophia Daniæ Regis filia primogenita.

In POLONIA militum Confederatorum tumultus componuntur.

Cosacci sub tutela Moscovitica turbas movent.

d. 18. Octobr. Friderico Wilhelmo Electori Brandenburgico post impetratam Prussiz Superioritatem à Regiomontanis præstatur homagium.

In BELGIO Hollandi novam precationis formulam nituntur introducere, quibus acriter contradicunt Selandi.

Cochinum Orientalis Indiæ Lusitanis tandem eripitur.

Canada Americæ sive insula sive provincia terræ motu miserè affligitur.

M DC LXIV.

In GERMANIA Carolus Josephus, Imperatoris frater, qui viveret nuncius, moritur.

In Magisterio Ordinis Teutonici succedit Johannes Caspar ab Anbringen

In Comitibus rerum bellicarum cura præfente Imperatore cum successu agitur. Legati suppeticas impetraturi ad omnes Reip. Christianæ Status designantur.

Archi-Episcopus Salisburgensis Passavii simul sit Episcopus.

d. 1. Nov. Fundatore AUGUSTO Principe Gymnasium Augustum Weissenfelsæ introducitur.

In ITALIA post varios timores mense Febr. Pisis inter Callum & Pontificem concluditur pax. Chisius Legatus à Latere mittitur Pa-

F

risios

rifios deprecatur. Avenio restituitur Pontifici. Parmæ Dux frustra sperat discamerationem Castri.

Gaspinus Nichelius Jesuitarum Generalis Romæ moritur: succedit Joh. Paulus Oliva.

TURCÆ celebrant occupationem Neuheufelii. Sed inter ignium, nocturnorum ludibria magna pars ædium Constantinopolitanarum corripitur.

Serinius quinque Ecclesias diripit: Pontem Esseckiensem destruit. Mense Maio Imperator Constantinopoli discedens ad Hungariæ fines movetur.

Interim congregatis Germaniæ auxiliis, Turcæ quadruplici clade affliguntur, præsertim in prælio ad San- Gothardum d. 22. Jul.

Imperatori ex Concubina Græcæ nationis nascitur filius: fratres antiquâ lege strangulandos ipse adhuc in vivis relinquit.

d. 10. Augusti florentibus Christianorum rebus improvisa concluditur pax; indignantibus Hungaris. Imperator tamen Leopoldus videbatur tria respexisse, 1. Quod Hispaniæ Rex mortis esset proximus. 2. Quod Polonia Regem haberet nullò hæredemunitum. 3. Quod Turca Venetis alioqui daturus pacem, unitis viribus immineret Hungariæ.

Nicolaus Serinius ab Apro occiditur: nisi genus mortis hoc enigmati involvitur.

In GALLIA *Lupara (Louvre) Regis sedes nitidiùs extruenda præstantissimis artificibus locatur.*

Consilia Societatis Mercatoriæ tum quoad Indiam Orientalem, tum quoad Occidentalem, Autore Colberto, strenuè agitantur. Quinetiam fossa inchoatur, unde naves ex mari mediterraneo in Oceanum felici compendiò possent transportari.

Dauphino, Regis filio, ad futurum baptismum, qui tamen postea dilatus, mittuntur à Pontifice fasciæ benedictæ.

Galli ad stabilienda commercia occupant Castellum Africanum, Gigery, idè; novò nomine vocant la Sainte Croix: at post brevem ejus possessionem à Barbaris rejiciuntur.

Contio Principi nascitur filius Franciscus Ludovicus mens. Maj.

Henricus Dux Gvifus moritur mens. Jun.

Ponti-

Pontifex Regi concedit Jus Patronat9 Episcopatuū, Metensis, Tullensis, Verodunensis, Arrebatensis, Perpiniani, ut & Ecclesiarum Alfatix Quod Gallus Imperatori in Hungariam misisset auxilia, Legatus Gallicus Constantinopoli conjicitur in carcerem. Neq; tamen Rex magnam hanc injuriam ulciscitur, ob minorem contumeliam nuper iratissimus Pontifici.

In HISPANIA Regis languida senectus parum promovet negotia adversus Lusitaniam.

In ANGLIA conferuntur consilia, ad defendendum fortalitium Tingitanum adversus Gaylandum.

Navium apparatus Hollandis fit suspectus, donec ab Anglis missæ ad Africanum littus copix, non indicto bello, munimenta Hollandorum, ad Caput viride (Promontorii nomen est ad Gvineam) unâ cum navibus occuparentur. Causam faciebant articuli in fœdere 1662. sepositi, quorum satisfactio nondum contigerat.

In DANIA Primogenitus Regis Princeps omnium Collegiorum, denominatur Præses.

Sperlingius Med. D. conspirationis Ublefeldianæ reus Hamburgo per assum abductus, respondet ex carcere.

In SVECIA Metropolis Stockholmia aliquoties incendio laborat.

Feudorum Germanicorum in Aula Imperatoria tandem obtinetur confirmatio, suspensa, nescio ob quas causas, jam à morte Ferdinandi III.

In POLONIA feliciter pugnatur adversus Moscovitas.

Mense Decembri Georgius Lubomirskius, Regni Mareschallus, tanquâ Auctor superioris Confœderationis inter milites, accusatur Nobiles protestantur, liberamq; suam vocem in Comitibus validam afferunt: nihil minus prævalente Regis (for, san & Regina) factione condemnatur ad pœnam (sic verba sonant) abjudicationis honorum, infamix, Bonorum confiscationis & colli.

In BELGIO Mortaignius virginem rapiens asylum quærit apud Comitē Culenburgensem, postea Bremae mediis militibus diffugiens, Hollandos eludit, Comes parum abest à periculo.

Rex Gallix urget restitutionem bonorum, quæ in provinciis fœderatis pertinerent ad Equites Melitenses.

Fortalitium Eyderanum à militibus Monasteriensibus occupatum,
copiis Hollandicis obseſſum recipitur.

*Wilhelmus Princeps Naſſovius Piſtoleſti exploſionem feſtinaturus impro-
viſam ſibi mortem accelerat.*

*Menſe Januario Eclipſis Solis contigit, pleriq; Calendariographis non ob-
ſervata.*

Gemina præcedentiæ controverſia offertur. Menſe Aprili Holſatiæ
Dux obviam factus Dovvningio Regis Angliæ Legato, quòd nollet
cedere, impetum fieri juſſit in ſatellites. Poſtea per mediatores effe-
ctum eſt, ut quivſq; verſis carrucis priſtinâ viâ regrederetur. Menſe
Majò idem tentabat Princeps Arauſionenſis adverſus d' Eſtradium
Legatum Gallicum. Sed dimiſſus Legatus, Princeps carrucâ egre-
diens ſimulat ſe acceſſiſſe, ut Tabernam mercatoriam perluſtraret.

Reiterus Admiralis in Africam miſſus, progreſſus Anglorum turbat.

Surata India à prædonibus diripitur.

Menſe Decembri apparet Cometa.

M DC LXV.

In GERMANIA moritur Princeps Porcia Aulæ Imperatoriæ ſupre-
mus Magiſter d. 24. Febr. ſurrogatur Wenceslaus Princeps de Lob-
kovviz.

d. 15. Mart. Cellæ moritur Chriſtianus Ludovicus, Dux Lünebur-
genſis. Circa ſucceſſionem colliduntur fratres Geòrgius Wilhel-
mus & Joh. Fridericus Pontificiæ religioni addiſtus, Uterq; ad ſe
pertinere aſſerit portionem Cellenſem. Tandem d. 28. Sept. con-
troverſis compoſitis Geòrgius Wilhelmus Cellam, Joh. Fride-
ricus Hannoveram obtinet.

Menſe Majo Comes Leſlaus, ad Legationem Turcicam designa-
tus, iter ſuſcipit: alius Legatus Turcici Imp. nomine Viennam
accedit.

d. 25. Maji moritur Sigifmundus Franciſcus Archi-Dux Oenipon-
tanus, cui jam deſponſata fuerat Hedvvig Auguſta è dono Sulz-
bacenſi. Ad Imperatorem redit Comitatus Tyrolenſis hæreditas.
Gotha incendio deformatur menſe Jul.

Lubecenſes cum Senatu reciprocant controverſias.

Be-

Berolini Stabulum Electoris igne consumitur.

Electo Moguntino Palatino movet turbas. Nam Ladenburgi ad Nicrum possessio, spectans alioquin ad Episcopatum Wormatiensem, oppignorata erat Palatino, qui tergiversabatur, Moguntino volente pretium pignorationis exsolvere. Tandem oppidum vi expugnatum Sequestro Imperatoris traditur, donec soluto pretio is evanesceret.

d. 5. Octobr. Academia Kiloniensis solenniter dedicatur.

d. 25. Nov. moritur Henricus Julius Dux Saxo-Lauenburgensis.

Oppolium & Ratibora Silesiae Ducatus Polonis hactenus oppignorati, soluto pretio redeunt ad Imperatorem.

In ITALIA Parmensis nequicquam urget restitutionem Castrorum.

d. 16. Aug. moritur Carolus III. Mantuae Dux.

TURCA Neuheuselii nomine à circumjecto territorio postulat hominibus.

Abassy missis ad Imp. Rom. Legatis rem Transylvanicam cupit Paci inclusam.

Seraglio f. Gynaeum Turcicum igne perit.

Novus Judaeorum Messias, qui Smyrnae exurgens Judaicum populum incredibili expectatione impleverat, pudibundam fabulae facit catastrophem, assumpta post annum religione Turcica.

Arabes ingenti tumultu Mecham occupant. An Mahomethis sepulchrum vi magneticam in aere pendulum destruxerint, illi vident, quibus autoribus id in novellis fuit memoratum.

In GALLIA Fouquetius condemnatur ad perpetuum carcerem, ducendus Pignarolam.

Rex in Parlamento Edictum confirmat adversus Jansenistas; ast urgente Pontifice, ut in Ecclesia Gallicana firmaret Pontificis infallibilitatem ejusque auctoritatem supra Concilia, nihil obtinetur.

Rex fervente inter Anglos & Batavos bello, ab his admogetur foederis 1662. initi. Is tamen respondet, turbas excitatas in Africa; foedus vero non extendi ultra Europam. Tandem susceptam mediatoris personam, Ducem de Vernevil Legatum destinat ad Regem Angliae.

Dux Beaufortius adversus piratas maris mediterranei classem educit.

Mortuô Rege Hispaniæ Gallus prætendit in successionem Belgicam nomine Conjugis, allegans Jus devolutionis in Brabantia usitatū.

Orange restituitur Principi Amussonensi.

In SABAUDIA Carolus Emanuel sibi jungit Mariam Johannam de Namour, è Sabaudica itidem familia natam, Principis Nemorosii in Gallia hæredem. Carolus Lotharingus, cui desponsata ista fuerat, indignatur sibi eripi sponsam.

Genueses cum Sabaudis ob controversias finium collisi, auctoritate Regis Galliæ redeunt in gratiam.

In HISPANIA *Dux Medinae Sidoniae moritur.*

Lusitani irruptionibus suis viciniam terrent. Marchio Caracena in occursum missus gravi clade afficitur.

d. 15. Sept. Philippus IV. Rex moritur, succedit filius Carolus II. quatuor annorum. Classis argentifera 16. Millionum dives appellit.

In ANGLIA bellum velitationibus Africanis excitatum, mense Februario Hollandis indicitur.

Fanatici publicam quietem nimis turbant.

Accedit Pests Londini maximè grassans : unde Parlamentum Oxoniæ conscribitur.

In DANIA displicet Anglorum temeritas. Hollandis enim in portum Bergensem in Norvegiæ digressis, Angli postulaverant à præfecto, expelleret naves, additâ comminatione, fore ut vi viam aperirent. Tandem re infectâ discedunt, Rege Anglò, factum Thalassiarum palam non approbante.

In SVECIA Rex Carolus Academiæ Upsaliensi studiorum gratia addicitur.

In POLONIA *Cernezkus, insignis belli Dux, moritur.*

Causa Lubomirskii efficit, ut tria Comitatus sine fructu distumpantur. Ipse Lubomirskius manu armatâ se ostendens, sub anni finem consentit in armorum inducias.

In BELGIO prohibentur manufacturæ Anglicæ.

d. 3. Jun. per biduum gravis pugna, Batavis tandem, cum jactura præcipuorum Admiralium naviumq; bellicarum diffugientibus.

Episcopus Monasteriensis pecuniâ Anglicâ instructus Hollandis movet bellum terrestre, ob Dominium Borkelo, suo Episcopatu debitum.

Angli

Angli Hollandis naves aliquas ex India Orientali reduces, item
alias plures Smyrnâ venientes eripiunt.
Cometa sive pristinâ sive novus denuò apparet.

M DC LXVI.

In GERMANIA Wildfangiatus causa cum Palatino Electore colliduntur vicini Episcopi, Principes & Comites.

d. 14. Jun. Magdeburgenses Duci Augusto & eventualiter Electori Brandenburgico præstant homagium.

d. 3. Jul. moritur Albertus Bavaris Electoris Patruus, paulò ante Electoratus Administrator.

Mense Decembri ex Hispania Viennam venit Margareta Tereſia, Imperatoris Sponsa: Nuptialem solennitatem illustrat Balletum, ut vocant, instructis equitibus productum, inventoribus Florentinis.

In ITALIA Pontifex valetudinem indies debiliorem, usu lactis asinini fovet.

Mantuani & Mutinenses ortâ circa fines controversiâ utrinq; ad arma spectant; sed interventu vicinorum restituta tranquillitas.

In HUNGARIA Comes Balassi Imbre, qui sub pretextu controversiarum cum Palatino turbas movet, coactus sese submittit.

TURCA nostro Imperatori donat Bibliothecam Ludovici Hungariæ Regis, constantem libris 50000.

Obsidio Candia suscipitur.

In GALLIA mense Februario, post frustra tentatum Mediatoris officium, declaratur bellum adversus Anglos.

d. 20. Jan. moritur mater Regis Anna Maria Hispanica.

Regis Angliæ Mater, Gallie Regis amita versatur in Gallia.

Lutetiæ ad impedienda facinora nocturna laudabili instituto, novæ ordinantur vigiliæ, additò onere alendorum in quavis platea ignium.

Ducis Aurelianensis filius exactò bienniò moritur.

In HISPANIA Legatus Anglicus mediatoris personam agit inter istos & Lusitanos. Lusitanis superioritatem suam defendentibus offeruntur indaciæ; his repudiatis placet consilium, ut sepositis Regum

Regum personis, Respublica Hispanica cum Lusitanica paciscere-
tur: sed hoc etiam in Statu Monarchico vix videbatur recipi posse.
d. 27. Febr. in Portugallia moritur Regina Mater.

Alfonfus Portugalliæ Rex è Gallia accipit Sponsam Mariam Fran-
ciscam Ducissam Aumaliæ è domo Sabaudica, dote splendidissi-
mâ instructam.

In ANGLIA mense Martio bellum quoq; declaratur adversus Gallos
d. 12. Sep. Londinum gravissimò incendiò affigitur.

In DANIA Hollandis conceduntur auxilia adversus Anglos.

Princeps Electoralis Saxonia consummat nuptias.

In SVECIA Tractatus finium causa cum Moscovitis agitati, tandem
perficiuntur.

Civitas Bremensis post varia libertatis molimina Svecis promittit,
velle se usq; ad annum 1700. abstinere à sessione in Comitibus, ite
à titulo liberæ ac Imperialis Civitatis: Svecis interim affirmanti-
bus, omnia Privilegia fore salva, quæ vigore Instrumenti Pacis
Civitati competerent.

In POLONIA Lubomirskius allectis ad se Nobilibus militibusq;ve
Confederatis, Pacem tandem à Rege obtinet, eâ tamen lege, ut ex-
tra Regni fines concederet.

Post eandem Pacem d. 30. Jul. publicò Regis diplomate libera
Electio Proceribus confirmatur, indignantib; qvî stabant à par-
tibus Gallicis, penes Regem non esse jus denominandi successo-
rem Gallicæ nationis.

In BELGIO Pax obtinetur cum Episcopo Monasteriensi, hâc lege
ut is renunciaret omnibus fœderibus, in præjudicium Belgii spe-
ctantibus, Borkeloënsam Dynastiam restitueret, milites ultra 3000.
non retineret.

Princeps Arausionensis pro Filio Status agnoscitur, annuamq;ve
Pensionem obtinet.

Electo Brandenburgicus Hollandiam perlustrat.

d. 11. Jun. per quatrimum pugna navali certatur: utrinq; jactatur
victoria.

d. 4. Aug. denuò naves colliduntur. Hollandi fugiunt, Trompius
quasi re malè gesta deponitur.

Clas-

Classis Mercatorum in portu Vlie ad Russos destinata, Anglorum fraude incenditur. Paulò post Batavi naves Anglicas in Albis ostio prope Hamburgum incendunt. Inde Angli ab Hamburgensibus petunt restitutionem: cum tamen illorum culpa nihil esset admillum.

Mense Octobri publicatur fœdus defensivum, quod Rex Daniæ Elector Brandenburgicus, & Duces Lüneburgici pepigerant cum Statibus Belgii fœderati.

Æstas præter morem calida felicem reddit vini proventum.

M DC LXVII.

In GERMANIA controversia Wildfangiatus Arbitris Gallo & Sueco d. 7. Febr. componitur. Electori Palatino jus suum confirmatur.

d. 18. Jun. moritur Conjux Electoris Brandenburgici è domo Anusio-
nensi. (dus.

d. 18. Sept. Imperatori nascitur Filius in baptismo dictus Ferdinandus Cardinalis Harrachius Pragensis Archi-Episcopus moritur, succedit Comes de Colovrat.

Princeps Frisiæ Orientalis, ut & Familia Fürstenbergica in Comitibus ad votum & sessionem in Senatu Principum admittitur.

In ITALIA Genuensis Resp. solennem Legationem ad Portam Ottomanicam destinat, ut sub propriis signis imposterum liceret, in Turciam navigare, quòd antea sub vexillis aliorum fecerant. Sabaudus Genevensibus movet turbas, quibus tamen intercedunt Helveti.

Ragusa in littore Dalmatia terra motu destruitur.

d. 22. Maj. moritur Alexander VII. Pontifex, cui post mensem.

d. 20. Jun. succedit Julius Rospigliosi assumptò nomine Clementis IX.

Sabaudus cum Mantuano circa Vicariatum Rom. Imperii per Italiam controvertit.

TURCA obsidionem Candix furenter continuat.

In GALLIA Regi nascitur filia d. 2. Jan. unde præ nimio gaudio solenniter canitur, *Te Deum laudamus*, quod alioqui solis filiorum natalibus factum.

G

Rex

Rex molitur editionem Codicis Ludoviciani.

Successio terrarum Belgicarum urgetur, licet Regina Galliarum ante nuptias solenni abdicatione omnia jura à se removisset. Editio igitur librò (quem tamen alius, sub titulo Clypei Status & Justitiarum: solidissime refutavit) justitiam armorum adstruere ausus. d. 1. Jan. solenniter bellum indicitur. Hispanis ad tantum impetum non armatis, Galli multas Urbes, præcipuè Insulas (Nissel) occupant. Interim usq; ad belli denunciationem Archi-Episcopus Ebrodunensis (Ambrun) Madritii Legatus, negaverat, apparatus Gallicos dirigi adversus Belgium.

In HISPANIA defensio adversus Gallum tardius procedit.

In LUSITANIA firmissimum fœdus cum Rege Galliarum pangitur. Tandem Alfonso Rex à Subditis malæ administrationis, ab Uxore impotentiarum accusatus, cogitur deponere coronam; succedit titulo Regentis Regii frater Petrus.

In ANGLIA Dux Buginkamius quasi Regis progenie contempta, quod ipse suam nescio ex qua Genealogia prætulisset, compingitur in carcerem: at brevi asseritur in libertatem.

Principi Eboracensi duo intra unam septimanam filii moriuntur; cui tamen mensis September novam filii nativitatem intimat.

Comes de Clarendon Cancellarius, multorum criminum reus, fuga salutem querit. Interim eidem imputatur Dunkerke venditio, nec non belli Hollandici ulterior dilatio.

In DANIA d. 26. Jun. Princeps Regius Christianus sibi collocat Charlottam è Domo Hassio-Casseleni.

d. 19. Jun. moritur Antonius Guntherus, ultimus è Comitibus Oldenburgicis. Rex Daniarum & Dux Gottorffensis sibi asserunt hæreditatem, jure proximæ agnationis: sed contradicit Joachimus Ernestus, Dux Holsatiarum in Plön, qui gradu unò se propiorum Comiti defuncto assererat.

d. 24. Octobr. Christianus Albertus, Dux Gottorffensis ducit Fridericam Amaliam, Regis Daniarum filiam.

SVECI à Civitate Bremensi d. 9. Jul. accipiunt homagium.

Christina Regina novi Pontificis electionem Hamburgi solenniter celebratura, quod plebeis concessisset liberum vini potum, ab iisdem ebriis domo exitur.

exturbatur, fractis fenestris, tentataq; adium destructione, nisi Magistratus auctoritatem interposuisset in tempore.

In POLONIA Pax concluditur cum Moscovitis.

Cosacci Duce Dorossenkio sub protectionem Turcarum sese committunt.

Lubomirskius Fratislavia moritur.

d. 10. Maji moritur Regina factioni Gallorum in regno nimium dedita, turbarumq; hactenus cum Lubomirskio non levis causa.

Rege ad senectutem vergente præter Gallos & Germanos successionem ambiunt Tartarus & Moscovita.

In HOLLANDIA Admiralis Reiterus classe ad ostium Tamisis adducta, flumen ascendit, occupatisq; insulis & fortalitiis quibusdam insigni prædâ, majori gloriâ recedit.

d. 13. Jul. Bredæ inter Anglos & Batavos, mediantibus Svecis, pax componitur: unde Galli & Dani quoq; cum Anglis redeunt in amicitiam.

Princeps Arausionensis in Consilium Status allegatur: at Gubernatoris functio publicè abrogatur edicto, quod die Mortification der Stadthalterschaft communiter appellatum.

M DC LXVIII.

In GERMANIA Mense Januariô filius Imperatoris moritur.

Per Danubium stabilitur Societas Mercatorum in Turciam.

Mense Febr. Vienna conflagrat sedes Imperatricis vidua.

Episcopus Paderbornensis fit Coadjutor Monasteriensis, frustra competente Electore Colonensi.

Mens. Apr. Maximilianus, Electoris Bavarie frater, ducit uxorem.

Mauritiam Febroniam è domo Bullionensi: unde in illa aula magnus partium Gallicarum favor.

Mens. Jun. Hamburgi Commissio controversiæ Plœnensis sine fructu dissolvitur.

Archi Episcopus Pragensis ex Colovmtorum familia moritur.

d. 14. Jun. Elector Brandenburgensis sibi jungit Dorothæam Christianam, Christiani Ludovici, Ducis Luneburgici viduam.

Electo Palatinus cum Lotharingæ Duce colliditur, eidemq; eripit castra.

castra Landstuel & Hoheneck. Moguntinus & Simmerensis suas partes interponunt: tandem res à Cæsare arbitro Marchioni Badensi Judici Camerali permittitur.

In locum Gvidobaldi Archi-Episcopi Salisburgensis eligitur Maximilianus Gandolfus Episcopus Seccaviensis Comes de Kühnberg. Albertus Sigismundus Bavarix Dux Episcopus Freysingensis simul fit Episcopus Ratisbonensis.

d. 2. Aug. moritur Princeps Gonzaga Consilii bellici apud Imperatorem Præses: succedit Comes ac Generalis Montecuculi.

Gustavus Adolfus Marchio lineæ Durlacensis fit Abbas Fuldenfis.

d. 18. Oct. Principi Electorali nascitur filius Johannes Georgius IV.

d. 25. Oct. Johannes Fridericus Dux Luneburgo-Hannoveranus ducit Benedictam Principissam Palatinam à Gallia, Edwardi filiam.

d. 21. Nov. moritur Adolfus Wilhelmus, Dux Saxo-Isenacensis, quæ brevi in mortalitate sequitur filius posthumus.

In ITALIA Roma rescinditur Pyramis erecta adversus Corfos in Legatum Gallicum injurios 1664.

Alia inscriptio, quæ testabatur Henricum IV. Gallia Regem rediisse ad Catholicos, removetur, quasi turpe esset, Regem Christianissimam aliquando non fuisse Catholicum.

Pontifex decimas ab Ecclesiasticis exigendas Venetis decernit in suppetias belli Turcici.

Genuatium & Genevensium controversiæ cum Sabauda sopiuntur

In AFRICA Taflettæ nomen inclarescit, occupatis regnis Fez & Marocco.

In GALLIA continuatur bellum adversus Hispanos, occupatò Comitatu Burgundiæ, qui dictus le Franche Comté.

Delphinus filius Regis primogenitus demum 24. Martii baptizatur impositò nomine Ludovici. Ac cum apud Hispanos & Austriacos sæpè decem nomina in baptismo conferantur, ipse natus 1661. festo omnium Sanctorum, dictus Ludovicus omnium Sanctorum.

d. 4. Maji Aquisgrani concluditur pax inter Gallos & Hispanos. Hispano restituitur Comitatus Burgundiæ, reliqua à Gallis in Belgio occupata iisdem relinqvuntur.

d. 5.

d. 5. Aug. Regi nascitur filius secundogenitus, qui postmodum in baptismo dictus Philippus, in titulo vocatur Dux Andegaviensis. *Princeps de Monaco in Galliam concedens, deserta Regis Hispani protectione, fit Dux Valentinois & Par Francia.*

Turenus, Reformatorum Patronus & affecta, in extrema jam senectute constitutus, transit ad Religionem Pontificiam.

In HISPANIA mense Martio tandem Pax cum Lusitanis concluditur Regnumq; illud agnoscitur pro absoluto. Unde Lusitani postmodum indignantur, in Pace Aquisgranensi Hispanum titulis suis adhuc inferere mentionem Lusitaniae & Algarbiae.

Multi ex Portugallis Alfonso conspiratione frustranea desiderant. Petrus tandem dispensatione Pontificis confirmatus, fratris adhuc viventis Conjugem sibi collocat. Alfonso interim delitescere cogitur in monasterio.

Post Pacem Aquisgranensem in gratiam Hispanorum, Angli, Sveci & Batavi foedus pangunt, à tribus his partibus dictum die Triplici Alliansi hanc fini, ut Rex servaretur in eo statu, in quo esse deberet vigore Pacis Pyrenae.

Mense Junio Pro-Rex Sardiniae Comes de Camerano, furente plebe leshalem filopeta iustum excipit.

Mediolani moritur Gubernator Ludovicus Ponce de Leon.

In Belgio Gubernator de Castell Rodrigo successorem habet Conestabilem Castiliae.

Circa hoc tempus Judei filius in Gallia se proficitur esse Balchazarem Regis Hispanici filium: thronum tandem inveniens in carcere.

In ANGLIA Tractatus rerum maritimarum cum Hollandis absolutus.

Hoc tempore insigne figmentum de Insula Pines vulgatur, quam unicus Anglus, quatuor mulieribus adjutus, magno filiorum & nepotum numero replevisset. Lusit postmodum aliquis, quod Pines per anagramma esset Penis.

In SVECIA d. 28. Jan. Lundinum Scaniae nuper à Danis impetrata oppidum ornatur Academia.

In POLONIA Galli Statibus redduntur in visi.

d. 16. Sept. Joh. Casimirus Rex solenni abdicatione thronum deserit.

1668.

54

Moscu Russorum metropolis d. 22. Aug. consumpta 16000. edificiis incendio destruitur.

In BELGIO Würzius militiae Hollandiae praeficitur.

Comes Bentheimensis apud Episcopum Monasteriensem, omnia Reformatorum religione transit ad Catholicam: Conjux certior facta filios mittit in Hollandiam, nimium indignante Patre.

M DC LXIX.

In GERMANIA Imperatori d. 18. Jan. nascitur filia Maria.

Maria Magdalena Archiducis Oenipontani relicta filia 14. annorum moritur.

Lubece dissidia inter Senatum & Cives componuntur.

Mense Martio Adolphus Johannes Com. Palatinus defuncti Suecia Regis Caroli Gustavi frater, insigni diffidationis exemplo, Oberbrunnam Comitum Leiningeris in Camera Spirensi Praesidis sedem, misere diripit: postea securitatem in Suecia quaerit.

Electo Brandenburgico feliciter molitur transitum ex Viadro in Albim.

Eidem mense Majo in Prussia nascitur filius Philippus Wilhelmus.

Marquardus Comes in Castel Episcopus Eichstadiensis, in Comitibus Ratisbonensibus designatur Commissarius Imperatoris.

d. 16. Jul. Salisburgi fragmentum montis corruens multa opprimat aedificia, & in iis plus quam 500. incolas.

Circa hoc tempus Schmideberga prope Wisebergam incendium terrestre conspicitur.

Wilhelmus Landgravius Hasso-Castelensis moritur.

Ferdinandus Marchio Badensis cum Electore Palatino venationi indulgens, improvisa proprii sclopeti (Flintam vocant) explosione, seipsum lethaleriter vulnerat.

Electo Palatinus cum Lotharingo reconciliatur.

d. 14. Nov. Fridericus Ernesti Gothani filius primogenitus ducit Magdalenam Sibyllam, Augusti, Ducis Saxo-Hallensis filiam.

d. 9. Dec. moritur Anna Maria, Augusti jam dicti Conjux.

In ITALIA Neapoli impostor se nominans Philippi IV. filium naturalem virgis caditur.

Mense

Mense Octobri Candia, quam Veneti tribus abhinc annis jactura 100. millionum & 200000. militum (ut jactitabant) fortiter defenderant, Turcis per deditionem relinquitur: ita tamen, ut in ipsa insula Venetis relinquerentur Suda, Spinalonga, Carabusa, & non procul abinde Insulae Tine & Cerigo.

d. 9. Dec. moritur Pontifex Clemens IX.

In Sicilia mons Aetna terra motu concussus flammam emittit, & fluvium sulphureum, cujus damna superant 400000. Coronatos.

In HUNGARIA Buda olim Regum sedes igne perit, suffocatis flammarum impetu 4000. Turcis.

In GALLIA Mens. Febr. Rex Comitem de Vermandois agnoscit pro filio naturali, sublatum ex Valiera.

Conquisti per Belgium loci, munimentis, imò & Citadellis firmantur.

Joh. Casimirus depositò Poloniae regnò, in Gallia impetrat Abbatiam S. Germani.

Suppetiae Gallicae in Candia parum proficiunt. Dux Beaufortius cum classe missus infelicitè pugnans ipse occumbit. Ejus locò Admiralis Gallici dignitatem indipiscitur Dux de Vermandois, filius naturalis trium annorum.

Mense Septembri duae foeminae in Gallia conspicuae moriuntur.

1. Henrica Maria hodierni Regis Angliae mater, Henrici IV. filia.

2. Francisca Caesaris de Vendosme relicta Vidua.

Mense Octobri Legatus Turcicus singulari pompâ excipitur.

In HISPANIA Pater Everhardus Nithardus Jesuita, Reginaeque Confessionarius, post longa cum Johanne Austriaco dissidia, Romam ablegatur.

In LUSITANIA Regina ex novo marito d. 6. Jan. parit filiam Isabellam Mariam.

Alfonsus, cum in monasterio res novas videretur moliri, deportatur in Terceram insulam.

In ANGLIA Dux Eboracensis augetur filiâ Henriettâ d. 24. Jan.

In SVECIA pecunia Hispanica accipitur, ob alendos ex pacto foederis triplicati milites.

In POLONIA novus Rex d. 19. Junii eligitur Michael Wiefenowvicky

vviecky Princeps in regno conspicuus. Ad festum Michaëlis succedit coronatio.

In RUSSIA mense Octobri oppidum Archangeli ad mare album incendio perit.

In BELGIO Seelandi inter se dissidentes denuò conciliantur.

Per omnem ferè Europam vagatur impostor Job. Michaël Cigala, nescio cujus Principis filium se mentiens.

M DC LXX.

In GERMANIA d. 20. Febr. Imperatori nascitur, & paulò post moritur filius.

Decem Alsatiæ Civitates Regi Galliæ promittunt, se præstituros homagium, si modò cæteroquin salva maneret libertas.

Comes Hanoviæ hætenus Reformatæ religionis, ad Catholicos transit: cum verò adimere civibus vellet templum, Landgravius Hassiæ auxilia laturus, eundem à proposito abducit.

d. 12. Maji Principi Electorali Dresdæ nascitur alter Filius Fridericus Augustus.

d. 12. Jun. moritur Erdmuth Sophia filia Electoris Saxonæ, nupta Christiano Ernesto Marchioni Byruthino.

Mense Jul. Viennâ pelluntur Judæi, Synagogis in templa conversis.

d. 29. Jul. Viennæ Johannes Adolfus, Comes Schvvarzenbergicus, fit Præses Judiciæ Aulicæ.

Comitatus Tyrolensis terræ motu concutitur.

Lotharius Fridericus Baro de Metternich, Episcopus Spirensis, fit Coadjutor Moguntinus.

Höxtera, Civitas Abbatæ Corbeyensis, premitur ab Episcopo Monasteriensi, qui constitutus fuerat Abbatæ administrator.

Dux Brunsvicensis, Civitatis protector, eam suò milite firmat.

Sed annò sequenti rebus utrinq; compositis, cives relinquuntur misericordiæ Episcopi.

Colonienfes extendere volunt sua fortalitia: Elector contradicit, territorium extra mœnia esse suum, nec posse Cives in solo alieno ædificare.

Electori Brandenburgico nascitur filia Maria Emilia.

Mense

Mense Novembri Parisiis moritur Wilhelmus Landgravius, mortui nuper Wilhelmi Casselensis filius primogenitus.

Mense Decembri moritur Maximilianus Emanuel, Bavaria Electoris filius primogenitus.

In HUNGARIA adversus Caesarem patefacta conspiratio. Comites Serini, Nadaſti, Frangipani, & Joh. Ferdinandus Tattenbachius ducti in carcerem, mox subeunt capitis supplicium.

Cæterum quod Tattenbachius læsæ Majestatis reg amississet Comitatum Reinsteinensem in districtu Halberstadiensi, de Feudi dominio inter se concertant Elector Brandenburgicus & Dux Brunsvicensis.

Hungari de privilegiis sibi timentes Imperatori se opponunt, ast pleriq; adducto milite cedunt necessitati; alii arma armis repellere nituntur.

In ITALIA d. 29. Apr. Emilius Altieri fit Pontifex, assumptō nomine Clementis X.

d. 24. Maji moritur Ferdinandus II. Florentiæ Dux, succedit filius Cosmus, variis per Europam itineribus notus.

TURCA Matris insidiis tentatus, quæ filium alterum optaret Imperatorem, Constantinopolin deserit.

In GALLIA Rex Ducem Crequium mittit, ut occuparet Lotharingiam, ne bello quidem denunciato; Dux cum Coniuge & filiis vix habet effugiendi spatium. Causa prætextitur, Ducem contra Pacem Pyrenæam aluisse milites: cum tamen notum esset, milites durante cum Palatino controversiis non potuisse dimitti. Sic Ducatus reductus in formam provinciæ Gallicæ, nequicquam protestante Imperatore.

Henricus Carolus Princeps de Taranto Ducis Trimovillai filius, qui hætenus militaverat sub Hollandis, abdicata functione in Galliam concedens, Pontificiam religionem amplectitur.

Rex in Belgium susceptâ expeditione, postquam Dunkerkæ & alibi spectasset Comædias, ac Ducissam Aurelianensem dimississet in Angliam, redit Lutetiam.

In HISPANIA Johannes Austriacus ab aula remotus Saragoſsæ versatur.

H

In

In Gubernatione Belgii loco Conestabilis Castiliæ succedit Comes de Monterey.

Mense Septembri cum Anglis circa negotia Indiæ Occidentalis pax stabilitur.

In ANGLIA commerciorum tractatus cum Danis restituitur.

d. 23. Jan. moritur Dux de Albemarle, postquam ante biduum filii celebrasset nuptias. Rex ipse procedit in exequias, quod sciret hujus ministri opera sibi restitutum regnum.

Fœdus triplicatum nunc perficitur, hâc lege, ut Rex Angliæ paratos habeat 10000. pedites, 1000. eqvites, & 40. naves bellicas; Rex Sveciæ 12000. pedites, 4000. eqvites; Hollandia 10000. pedites, 2000. eqvites, 40. naves. Sveci verò subsidii loco ab Hispanis accipiant 200000. taleros; postea in singulos menses, si pax sit, 10000. coronatos; si bellum ingruat, coronatos 60000.

Interim Mense Majo Henrietta Regis Angliæ soror, Ducis Aurelianensis Conjux, in Angliam trajicit, visura fratrem; sed quemadmodum eventus comprobavit, destructura machinas fœderis triplicati.

d. 30. Jun. Ducissa jam nominata redux à fratre improvisa morte occumbit.

Mens. Nov. Princeps Arausionensis in Angliam proficiscens splendide excipitur, tanquam proximus Regiæ familiæ cognatus, concessâ ordinis superioritate etiam ante Rupertum Palatinum.

In DANIA d. 9. Febr. moritur Rex Fridericus III. Succedit Filius Christianus V.

Mense Juniô Thoma Bartholini, celeberrimi Medici ac Anatomici Bibliotheca, cum manuscriptis nondum editis, igne consumitur.

In POLONIA Rex impetrat Mariam, Imperatoris Leopoldi sororem, eamq; Censtochovæ d. 27. Maji sibi solenniter collocat.

Ipsa Regina d. 19. Octobr. coronatur.

Princeps Radzivil, qui nomine Electoris Brandenburgici gubernaverat Prusiam, moritur, ejusq; loco constituitur Ernestus Bogislaus Dux Crojensis, hætenus Gubernator Pomeraniæ.

In RUSSIA d. 27. Jan. moritur Alexius Alexivvitz, Magni Ducis filius primogenitus.

Stepha-

Stephanus Razin Rebellis Regnum Astracanense occupat.
 In BELGIO, quod Rex Galliarum gravi telonio merces Batavicas onerasset, neque tamen Legatos injuriam deprecantes audiret, vicissim prohibentur merces Gallicae, quae causa belli atrocissimi.

M DC LXXI.

In GERMANIA, postquam controversia Höxterana esset composita, Dux, ut esset operae pretium conscripsisse milites, auxilio reliquorum Ducum Lüneburgensium Brunsvigam obsidet, eamque d. 11 Jun. deditione capit.

Christianus Ernestus Marchio Byruthinus ducit Sophiam Ludovicam, Eberhardi Ducis Würtembergici filiam.

Mense Octobri moritur Dux Plänenfis, ob controversiam Oldenburgicam notus.

Carolus, Electoris Heidelbergensis filius, sibi collocat Wilhelmam Ernestinam, Regis Daniae sororem.

Comes Schvvarzenbergius ad dignitatem Principis evehitur.

d. 22. Octobr. Johannes Adolphus, Saxoniae Dux, sibi collocat Johannam Magdalenam ex Familia Saxo-Altenburgica.

In HUNGARIA continuantur turbae ob clausa Lutheranorum templa.

In GALLIA *Sorbona laborat periculoso incendio.*

Rex denuo suscipit expeditionem versus Belgium, mirantibus cunctis, cur brevi rediret sine alicuius morum aliquo effectu.

d. 10. Jul. Philippus, Regis Galliarum filius secundogenitus, moritur.

Mense Novembri Elisabetha Charlotta, Electoris Heidelbergensis filia collocatur Duci Aurelianensi, eumque in finem assumit religionem Catholicam.

Comes de Lauzun, quem Rex Galliarum haecenus habuerat in deliciis, subito captus in custodiam deducitur. Causam plurimi subesse credebant, quod ambisset matrimonium Anna Maria de Mompensier, quae filia est Johannis Baptiste Gastonis ex priori matrimonio nata 1627, dissoluta Galliae virgo: ut Rex non immerito caveat, ne hereditas splendidissima in alienas delabatur manus, sed ista mortua, redeat ad Coronam.

In HISPANIA cum d. 6. Jun. inter Sacros referretur Ferdinandus III. Castiliae Rex inortuus 1252. ignibus missilibus noctu excitatis,

H 2

Escuriale

Escorialense s. Laurentii monasterium à Philippo II. 20. millionibus constructum, corripitur. An servata fuerit Bibliotheca rarissimis manuscriptis celebrata, eque ignotum est. Rex de restitutione curam suscipit.

Classis argentea 12. millionibus dives appellitur.

In LUSITANIA Pontifex Regem agnoscit, misso illuc nuncio. Sed quod in literis illustrem Portugalliae Regem sine nomine expressisset, nondum videbatur satisfactum petitioni toties iteratae.

In ANGLIA d. 10. Apr. moritur Conjux Jacobi Ducis Eboracensis Regii fratris, quae fuerat Cancellarii filia.

Regi Sveciae ac Electori Saxoniae confertur insigne Periscelidis.

Dublino in Hibernia Regium Armamentarium igne consumitur.

Aliqui audent Coronam & sceptrum Regis Anglia auferre, occiso custode: sed capitis aliquibus, insignia restituntur.

Mense Augusto Conjux Legati Anglici, reditura ex Hollandia in Angliam, navi regia vehitur. Cui obviam veniens Hollandicus Admiral de Gent, cum veli demissione debitam salutationem non praestaret, Capitaneus Anglicus quinque tormentorum ictu indignationem testatur, plura tentaturus, nisi foeminam vexisset, cui ob gravidum uterum dispositio tormentorum videbatur noxia. Interim Rex nimium exaggerat negotium, quo 19. articulus pacis Bredanae esset violatus, tandemque ex hac causa belli praetextus arripitur.

In DANIA 7 Jun. Rex novus Fridericoburgi solenniter coronatur. d. 11. Octobr. eidem nascitur filius primogenitus Fridericus.

Sub idem tempus Duci Gottorpensi nascitur filius Fridericus.

In POLONIA defensio paratur adversus Turcas, qui Roxolaniam s. Ucraniam, ut vocant, sibi vindicare incipiebant.

In RUSSIA *Rebellis Razin captus, tormentisque subiectus, miserrabili supplicio extinguitur.*

In BELGIO continuatur edictum adversus merces Gallicas, iisdemque imponitur vectigal, dimidium rei pretium attingens.

Electo Colonienfis jam foederi Gallico implicitus, ut honestam habeat causam adversus Batavos, restitutionem Rheinbergi denovo urget.

M DC

M DC LXXII.

In GERMANIA d. 7. Jan. Johannes Hugo de Orsberck, Decanus Ecclesiæ Cathedralis Spiræ, fit Coadjutor Trevirensis.

Electo Colonienſis cum Civitate reconciliatur, remiſſis articulis difficiliſſimis ad Cameram Spirenſem: inde milites Hollandici, hæcenus in Civitate commorati, dimittuntur, receptis eorum loco præſidiis Circuli Weſtphalici.

d. 11. Febr. Auguſtus Sax. Dux Adm. Magd. ſibi denuò deſpondet Johannam Walpurgin Comitiffam Leiningenſem.

Abbas Fuldensis traxam Cardinalitium impetrat.

In Sileſia d. 17. Febr. moritur Chriſtianus, Dux Lignicenſis: Filius Georgius Wilhelmus duodecim annorum mittitur ad Electorem Brandenburgicum. Paulò poſt Lignici dimidiam partem igne conſumitur.

d. 14. April. moritur Fridericus Wilhelmus, Dux Saxo-Altenburgicus. Succedit Erneſtus Gothanus, ex parte Fratres Vinarienſes.

Postquam Rex Galliarum declarafſet bellum adverſus Belgas Conſœderatos, Elector Colonienſis & Episcopus Monaſterienſis ex ſœdere eidem ferunt ſuppettias. Colonienſis Novesium Gallis tradit. Monaſterienſis circa Ifalam fluvium feliciter progreditur. Interim Rex per Legatos & apud Imperatorem, & Ratisbonæ apud Delegatos Statuum, ſincerationibus ſuis teſtatur, nihil fieri, quod poſſet præjudicium vel periculum attrahere Imperio. At ubi Rhenanæ provinciæ vicinum militem ſentirent nimis ferocem, Imperator & Elector Brandenburgicus, factò cum Hollandis ſœdere, ſub pacto certorum ſubſidiorum, arma capiunt, deductoq; per Haſſiam milite, Colonienſem & Monaſterienſem invadunt. Gallus Turennum mittit, qui progreſſus impediret.

Leodium videtur inclinare ad partes Imperatorias.

Argentorati à Gallis Briſſaco venientibus aliqua pars pontis Rhenani comburiſſur.

Electo Brandenburgicus, qui d. 14. Jan. auſtus fuerat filio Alberto Friderico; jam d. 30. Dec. alterum tollit filium, Carolum Philippum.

Johannes Caſparus Magiſter Ordinis Teutonici, ſimul declaratur Palatinus Hungariæ.

Hungari indies graviolem sentiunt persecutionem erga Lutheranos: multi armis libertatem defendunt. (evertit.)

In ITALIA horrendus terræ motus oppidum Rimini s. Airminum.

In Archipelago aliquot insulæ merguntur.

Messinæ in Sicilia tumultus oritur adversus Principem de Ligne.

Vice-Regem, summa cum plebis rabie & licentia.

Sabaudia Dux denuo cum Genuensibus parum felices manus conferit: fugatus aliquoties, inducias largitur.

In GALLIA bellum decernitur adversus Belgas fœderatos.

d. 1. Mart. moritur Regis filia quinquennis.

Mens. Jun. eidem nascitur filius Ludovicus Franciscus, qui tamen non sine Regis mœore mens. Nov. moritur.

d. 16. Dec. moritur Joh. Casimirus, Polonia Rex, qui in Gallia quietem quæsierat. Principissa Palatina Regina jam defuncta soror splendidam obtrinet hereditatem: Christina Suecia Regina, ex aliquo agnationis jure eandem sibi deberi affirmans, nihil impetrat.

In HISPANIA nondum obtineri potest, ut bellum conjunctis Germanorum viribus ad defendendos Belgas aperte suscipiatur.

Lusitani expellendis & proscribendis Judæis occupantur.

In ANGLIA Rex pecuniâ Gallicâ instructus quærit causam belli Hollandici; simulat tamen fœderis triplicati observantiam, expectans classem mercatoriam Smyrnâ venientem, quam de pace securam vellet diripere. At ubi classis apertam hanc ininscitiam exiguâ suo damno sensisset, & nunc Hollandis constaret, quid in animo voveret vicinus; Angli promulgant solennem belli declarationem, additis causis, quarum satisfactionem Hollandi sapius obtulerant. Interim Hollandi naves Anglicas arresto constringunt. Has enim admonere Anglus non potuerat.

Dux Montmouthensis, Regis filius naturalis, cum militum manu trajicit in Galliam.

d. 28. Maji Angli & Batavi navibus congregiuntur. Batavi amissis Capitaneis fugam capiunt.

Hollandis pacem prece & pretio quærentibus durissimæ proponuntur conditiones: assumerent Principem Auriacum, eidemque jura superioritatis (Souverainité) transcriberent.

In

In DANIA d. 22. Nov. Regi nascitur filius Christianus Wilhelmus.
*Dux Richemondia Anglicus in Daniam Legatus, Helsingare navigando
 se recreans, exscensurus mari letaliter mergitur.*

In SVECIA Aula perstrepat Legatis. Sunt tamen, qui factionem
 Gallicam præfagiunt in isto regno potentiorē.

In POLONIA *Festo Paschatis moritur Regis mater.*

Adversus Turcam dubia geruntur arma. Confœderatio enim inter
 Nobiles facta ad defendendam Patriam à quibusdam impugnatur,
 inter quos Archi-Episcopus Gnesensis Regni Primas, qui tamen
 multum laborante Pontificis nunciò, tandem à proscriptione ac
 perduellionis pœna absolvitur.

Interim durante discordia Turcæ Caminiciam, celeberrimum Po-
 dolix propugnaculum, occupant, Polonisq; tantâ victoriâ con-
 sternatis d. 18. Octobr. pacem satis pudibundam extorquent, cuius
 vigore universa Podolia Turcis relicta, tributumq; annuum 22000.
 Ducatorum Poloniæ impositum.

In BELGIO *Petrus Grotius, Legatus ad Gallia Regem testatur, non esse,
 cur arma Gallica timeantur, quippe quibus propositum non esset fœdera-
 tos Status invadere.*

Interim mense Junio eventus Confilia Gallica aperuit. Gallus e-
 nim quasi torrente militum terras inundans 1. Jun. fortalitium,
 Lippense prope Vesaliam, 3. Jun. Buricum, 4. Jun. Vesaliam,
 ipsam levi opere subjugavit. Die post Orsoyū tentatâ defensio-
 ne impetum non sustinuit. Rees, Emericum & Rheinberga ne-
 expertis quidem viribus, deditionem faciunt. Monasteriensis ex
 altera parte occupat Borckelo, Lingam, Oldenzielam, Grollam
 Moersiam.

Eodem adhuc mense Gallis subjiciuntur, Campenia, Daventria,
 Zutphenium, Arnhemium, Narda, Fortalitium Schenckianum,
 ac tandem Ultrajectum, cujus templum Cathedrale à Cardinali
 Bullionensi solenniter ritu Pontificio consecratur.

Amstelodamenses sibi à propinquo hoste metuentes, apertis cata-
 ractis, accessum reddunt difficilem.

Mense Juliò à Gallis deditione occupatur Gravee ad Mosam clavis
 Brabantix; à Monasteriensibus Cœverda clavis terræ Grönin-
 genis.

gensis. Inde paratur obsidio Grœningæ, quam tamen Carolus Rabenhauptius fortiter defendit, ut hic initio appareret partibus Gallicis omnia non esse pervia.

Rex Galliarum, qui poterat honestissimis conditionibus pacem obtinere, dum articulos nimium duos, & cuius subdito minus tolerabiles urgere pergit, occasionem amittit fortassis intra seculum non reditura.

Miserum tamen Belgium externò hoste pressum, internis seditionibus cœpit laborare, in quo tumultu Princeps Auriacus demum obtinuit, ut supremus belli Capitaneus declararetur & potentiam acquireret suis Majoribus ampliorem. *Wittii fratres libertatis defensores, ac adversus incrementa Principis iniquiores, aliquoties insidiis tentati d. 20 Aug. Amstelodami à plebe furente in minutas partes dilacerantur.*

Petrus Grotius cum multis aliis proditoris reus fugam capit.

d. 20. Dec. Rabenhauptius stratagemate nocturnò Cœverdam intercepti, Hollandis primam victoriæ spem ostendit.

Ex Africa narratur mors Tasileta.

M DC LXXIII.

IN GERMANIA *Landgravius Hassæ-Darmstadiensis conqueritur de damno per hospitalitates militum facto.*

d. 12. Febr. Herbipoli moritur Joh. Philippo Elector Moguntinus, in Electoratu succedit Lotharius Fridericus jam Coadjutor: in Episcopo Herbipolitano Johannes Hartmannus à Rosenbach. Sebastianus Pöttingensis Comes, fit Episcopus Passaviensis.

Galli Comitatum Marcanum & reliquas Westphaliæ provincias miserè diripiunt: Imperator cum Brandenburgico se opponunt. Colonia Agrippinæ designatur ad tractatus Pacis, eoq; jam mittuntur controvertentium Legati.

d. 12. Mart. Margareta Teresa, Imperatoris Conjux moritur.

d. 29. Maji Elector Brandenburgicus cum Rege Galliarum, item Colonienti & Monasteriensi pacem pangit particularem, præstita à Rege non solum satisfactione, ob illatas terras injurias, sed etiam restitutis omnibus locis, qui Hollandis erepti, pertinerent ad Ducatum Clivensem.

Electo

Electo Treverensi, cum videret Gallum urgere, ne amplius esset neutralis, in Ehrenberti petram, Castellu Rheni Confluentia oppositum, admittit praesidia Imperatoris. Inde irritatus Gallus mittit, qui territorium ejus foedissime divexarent. Ipsa Augusta Treverorum suppeditis destituta d. 30 Aug. sese dedit.

Interim Turennius progreditur usque in Franconiam. Imperator Egram se confert, ibidemque de Germania defendenda propioribus indulget consiliis. Adsunt, praeter Electorem Saxoniae, Principes non pauci.

Postea Mense Septembri Gremonvilleus, Legatus Gallicus Viennae residens, jubetur discedere. Germani sub Gallo militantes, promulgato edicto d. 22. Julii, sub gravissima poena domum revocantur. Praeterea foedus inter Imperatorem, Hispanum & Hollandos absolvitur, inclusis simul Treverensi & Lotharingo.

d. 15. Octobr. Imperatori denuo copulatur Claudia Felicitas Archiducis Oenipontani relicta filia.

In Archiepiscopatu Colonienfi superant Germani. Ipse Elector sibi metuens securitatem quaerit in monasterio.

d. 6. Nov. Wilhelmus Ludovicus, Princeps Wuerttembergicus ducit Magdalenam Sibyllam ex domo Darmstadiensi.

Mens. Dec. Ludovicus, Comes Palatinus in Simmern, moritur sine herede. Succedit igitur Elector Palatinus.

Hamburgi ob rem monetariam consultatur.

In ITALIA Resp. Genuensis cum Sabauda reconciliatur; articuli difficiliore committuntur tribus Academiis, Patavinæ, Bononienfi & Ferrariensi. Paulo post Gallus Repressaliis agit adversus Genuenses, quod in suo portu navibus Hollandicis praestitissent securitatem.

Ad Pontificem venit Legatus Moscoviticus, sollicitans auxilium adversus Turcas, cum ipse constitisset juvare Polonos.

In HUNGARIA Oedenburgi (Sempronium vocant) ut & in aliis locis exiguntur Lutherani, quæ res novorum motuum materiam sup-

In TURCIA Constantinopolis gravissimam pestem experitur. (peditat.)

In GALLIA mens. Jun. Duci Aurelianensi nascitur filius.

Nuncius advenit Gallos, in Orientali India ab Hollandis miserè exceptos, omniq; spe privatos, reditum passisse.

I

Rex

Rex in Belgium proficiscens Trajectum ad Mosam obsidet, amissisq;
8000. militibus, deditionem impetrat d. 30. Jul.

*Idem Rex bis ab ictu fulminis parum abest. Primo Sedani d. 16. Jul. dein-
de prope Neuville d. 13. Aug.*

Sub finem mensis Augusti Rex proficiscitur in Alsatiā.

Episcopus Basileensis, hactenus Bruntruti residens, Canonicis Fri-
burgi in Brisgovia commorantibus, ad pedes Regis ponit præten-
siones suas adversus Basileam. Decem Civitates Imperiales Alsatiæ
miserè subjugatæ, omnibus munimentis denudantur, ac hospitati-
one militum ad incitas rediguntur.

Rex in Galliam reversus, intelligens à parte Hispanorum sibi im-
minere bellum, virgines & scæminas Hispanicæ nationis è Gynecæo
Reginæ dimittit, vix retento Confessionariò, quem Regina lingvæ
patriæ maximè callens non videbatur abrogatura.

d. 24. Nov. Castellum Arausionense in Gallia Regi se dedere cogitur
In HISPANIA magnus mœror ob defunctam Imperatricem.

Solatum affert Classis 20. millionum dives.

In Comitatu Burgundiæ gliscit seditio.

In Catalonia jam sese ostendunt arma Hispanorum, donec d. 15.

Octobr. bellum adversus Gallos solenniter declararetur, Gallus
reciprocam declarationem edit d. 20. Octobr.

Mense Septembri Legato Lusitanico Madritii infertur injuriam, ma-
leferiatis quibusdam hominibus habitationem ejus invadentibus,
quod aliqui ex domesticis vigiles nocturnos malè mulctassent.

Regina postero die missis præfidiis factum excusat.

Messinenses nondum quiescunt.

In LUSITANIA Regi d. 19. April. nascitur filia *Isabella Ludovica.*

Mense Novembri gravis adversus Regem detegitur conspiratio,
provocantibus quibusdam ad Alphonsum, aliis ad Joh. Austriacum.

In ANGLIA d. 7. Jun. adversus Belgas mari pugnatur, juvantibus
Gallis, sed æquo Marte discessum, quòd utrinqve jactaretur victo-
ria.

d. 15. Jun. nova pugna, in qua fortuna favet Belgis.

d. 20. Aug. tertia pugna, Gallis turpiter diffugientibus vincunt.
Belgæ.

*Jacobus Dux Eboracensis Regis frater ex Imilia Eleonorum Estensem Ducis Mucinensis filiam adducit, eamq; tacite imo aperte indignan-
ribus Statibus, in matrimonium sibi collocat: Rex enim in nupero
Parlamento promiserat, velle se ad extirpationem religionis Catholicae
in suo regno omnia contribuere.*

In DANIA Comes de Gildenlövv, Regis frater naturalis, in Nor-
vegiam mittitur, gesturus ibi Gubernatoris Provinciam.

In SVECIA sub initium anni Rex annum 18. aggressus, Regimen
Majorennis suscipit.

Comes de la Garde, Legati personam sustinens, singulos Germa-
niae Status ad foedus Gallicum invitat.

In POLONIA Confederati cum Malè-contentis plenam stabiliunt
gratiam.

*Ecclesiasticis personis imponitur tributum bello Turcico, quod denuo
nequicquam conclusa pace gliscebatur, impendendum: Monachorum
& Monialium capita singula aestimantur tribus vel duobus florenis.*

d. 10. Nov. Michaël Rex moritur.

d. 11. Nov. Poloni ad fluvium Borysthenem felici victoriâ Turcas
fundunt.

In BELGIO Monasteriensis Episcopus extructo aggere Cœverdam
recuperaturus, violento aquarum affluxu decipitur, suffocatis aut
fugatis militibus.

Principi Arausionensi, licet non esset Catholicus, à Rege Hispaniæ
præter leges Ordinis, mittitur Vellus aureum, Ipse in titulo se
appellari patitur Altitudinem Regalem.

d. 13. Sept. Narda recuperatur. Inde Galli videntes sibi imminere
hostes potentiores, nec posse militem inutiliter per præsidia Hollan-
dorum distribui, evacuatis locis non contemnendis, d. 9. Nov. Ultra-
jectum quoq; relinquunt. Postmodum reliqua Belgii provincia du-
bitant, num Ultrajectenses ad antiqua privilegia fœderis essent admit-
tendi: quod tamen hominibus bello oppressis post levem controver-
siam, denuo concessum.

NB Gayland victor Tafletta in Africa, Regni Fissani & Maroccani
possessor, in eodem campo, quo 1578. occubuerat Sebastianus Portuga-
lia Rex, pugnans occiditur. Successor declatur victor Muly Ismaël,
excluso fratre Gaylandi.

M DC.

In GERMANIA Elector Brandenburgicus cum Rege Sveciæ fœdus pangit.

Comes Gottlieb de Windischgrätz, Legatus Imperatoris ex aula Danica veniens, Hamburgenses cum Senatu reconciliat.

Electo Moguntinus ex hereditate Simmerensi, arcem Bockelheim sibi vindicat: Palatinus minatur vim reciprocam: sed interponentibus sese Bavaro & Saxone, res tandem ad quietem rediguntur.

Galli invadunt ditiones Electoris Palatini: Imperatoriæ copiæ, junctis militibus, quos miserat Elector Saxonæ, tempestivas ferunt suppetias.

Leodienfes sæpius moniti ab Imperatore, malunt neutralitatem. Ditio Juliacensis, quod Gallis favisset Neoburgicus, infestatur ab Hispanis.

Coloniæ parum procedunt tractatus pacis; sed inter Legatos comparuerat Wilhelmus Princeps Fürstenbergius, Belli Gallo-Belgici fa. & tuba. Hunc igitur d. 14. Febr. milites Cæsareani per astum arripiunt, ac primò Bonnam, quam nuper Cæsareani occupaverant, postea in Austriam deducunt. Galli protestantur, allegantes Legatorum inviolabilitatem: Austriaci respondent, neque hunc fuisse Legatum, neque mereri impunitatem, qui, promulgatis per Germaniâ avocatoriis mansisset in servitiis Gallicis.

Mense Martio Ratisbonæ præstatur juramentum à futuris Ducibus in exercitu nomine Imperii adversus Gallos ducendo. Generalis Campi Marefchallus est Fridericus Durlacensis; Generalis Locumtenens Ernestus Landgravius Hassiæ; Generalis Equitum Maximilianus Baviaræ Dux; Generalis Peditum Dux Wirtenbergensis; Generales Vigiliarum præfecti s. Majores, Joh. Georgius Saxo-Isenacensis, Christianus Ernestus Marchio Byruthinus, &c. Eodem Mense Galli Coloniæ aliquot vascula pecuniæ plena destinaverant stipendiis suorum militum, in præfidiis Novessii degentium. Cum verò simularent vehere vinum adustum, re exploratâ, milites Cæsareani pecuniam ereptam, jussu Cæsaris detinent. Inde enata Gallis & Svecis causa conqverendi, nisi Fürstenbergio

cum

cum pecunia restitueretur, de pace ne tractari quidem posse. Certè Legati paulò post abitum parant, ruptis ita, nullo cum fructu, tractatibus.

d. 9. April. Monachii maxima pars Palatii Electoralis, cum insigni apparatu, flammis consumitur, quas excitaverat cereus convolutus in Gyneceo non extinctus.

d. 13. Apr. Gravellio Legatus Gallicus ad Comitium Ratisbonensia jubetur discedere, adeoque Galli pro publicis Imperii hostibus habentur. Trevirensis Civitas à Gallis munitur, quem in finem suburbia cum monasteriis splendidissimis destruuntur.

Turennius cum exercitu progreditur in Alsatiam, sub finem Aprilis. Elector Bavarie creditur clam favere Gallis.

d. 12. Maji Elector Colonienfis cum Hollandis pacem restituit particularem, adeoque Imperatori etiam reconciliatur: Bonna militi Imperatorio, quoad bellum duraret, relinquitur. Ipse Elector Brælii sedem ponit.

Eodem tempore Monasteriensis pacem Hollandicam amplectitur, renunciando foederi Gallico, & omnia denuò promittens, quæ in Pace Clivensi 1666. essent stabilita. Inde milites sese jungunt copiis Imperatoriis.

Elector Palatinus, quem Galliarum Rex variis promissis sollicitaverat, cum Imperatore in apertum foedus transit. Inde d. 6. Jun. ad Sinsheimium acre prælium Gallos alioqui feroces jussit esse modestiores. Episcopus Argentinenfis Fürstenbergii captivi frater, ab Imperatore questus, securitatem in Gallia invenit.

Mense Jul. moritur Eberhardus, Dux Würtembergicus. Succedit primogenitus Wilhelmus Ludovicus, cum aliis sex fratribus.

d. 12. Sept. Imperatori nascitur filia Anna Maria, quæ tamen Mense Decembri denascitur.

Princeps Schwarzenbergius in Comitibus ad sessionem & votum admittitur. Elector Brandenburgicus, qui jam omnia Clivie munimenta, etiam Schenckianum fortalicium à Gallo receperat, videns Gallum non inclinare ad pacem universalem, quod tamen promissum fuerat in particulari: denuò Copias suas educit in Alsatiam, cui accedit Dux Lünburgo-Castellensis.

Ante Electoris adventum d. 22. Sept. ad Illkirchum in Alsatia
Fœderati Germaniæ cum Turenno manus conferunt, prælio utrin-
que satis cruento.

*Mense Octobri Princeps de Lobkowitz supremus aula Cæsarea Magister,
nescio ob quam conspurcationem, & dignitate & libertate excidit.*

d. 21. Nov. Cæsareani versus Belgium agentes, Gallis eripiunt Di-
nantium ad Mosam. (moritur.

Hermannus Fürstenbergius Comes, Aula Bavarica supremus Magister

d. 28. Nov. Argentorati moritur Carolus Æmilii Electoris Branden-
burgici Filius primogenitus.

Brissacum à Fœderatis obsessum liberatur à Turenno.

d. 26. Decembr. ad Turckheimium cruenta iterum concertatio est.

Finiente anno Sveci per Vitrium Galli Legatum etiam atq; etiam ad-
moniti, militiam in terras Brandenburgicas introducunt, causamq;
apud Comitata Ratisbonensia publico scripto hanc exponunt: se
fuisse mediatores pacis inter Gallum & Brandenburgicum conclu-
sæ; idèd igitur se accessisse, ut Electorem ad molliores conditio-
nes, & præcipuè ad pacis observantiam adigerent: interim se non-
dum exercere apertas inimicitias.

In ITALIA Romæ à bonis Legatorum exiguntur telonia: unde Legati
adversus Papam & Cardinalem Patronum nimis exacerbati, longas
exercent controversias

*Pontifex destinat, bonorum Ecclesiasticorum decimas ad Bellum Tur-
cicum in Polonia: soli Veneti dissentiunt, timentes videlicet, ne Turca
hoc agnoscerent pro indicio ruptæ pacis.*

In HUNGARIA Eperies turribus & munimentis privatur.

In GALLIA exercitus in Comitatum Burgundiæ missus, eundem,
cum omnibus arcibus & urbibus occupat.

*Archi-Episcopus Parisiensis nomine sui Archi-Episcopatus declaratur
Dux & Rex Francia.*

Per universum regnum à bonis Ecclesiasticis exigitur tributum,
ut scilicet sustineantur belli multiplicis onera.

Mens. Aug. Ducissa Aurelianensis denud enititur filium.

Evocatio & Subevocatio Nobilium ac Vasallorum ab anno 1636.
non usitata, nunc suscipitur, (Galli dicunt le Ban & Arriere Ban)

Ut

Ut autem Nobiles ferant sumptus, omnia eorum bona aliis op-
pignorata, publicato edicto declarantur libera.

Rex Gallia à Rebellibus Messinensibus in Sicilia vocatur Rex. In-
de non modò suppetias illuc mittit, sed etiam Comitem Vivonni-
um Siciliae Pro-Regem designat.

Dux Rohaneus, quasi Hollandis voluisset prode nescio quam ci-
vitatem, Hispanis autem vendere filium Regis primogenitum,
conjicitur in carcerem, exemploq; satis periculoso primum tortu-
rae, postea capitis supplicio subijcitur.

*Lorbaringia Dux aliquos Nobilium Gallicorum ad Bannum & Arriert-
bannum pertinentes, Mense Novembri invadit, illisq; extorquet multos
argento onustos, quod spectabat ad Ducem Crequium.*

Exundatio Rhodani magnam vicinis campis cladem infert.

In HISPANIA versus Cataloniam & in Belgio strenuè decernitur
bellum.

Classis argentifera 10. Milliones affert.

In LUSITANIA Status regni filiam Petri Regentis hæredem futuram
declarant, si contingat, nullum nasci filium.

In ANGLIA d. 16. Febr. interventu Regis Hispaniae cum Batavis
constituitur pax particularis, reiectis articulis gravioribus ad futu-
ros tractatus.

*d. 9. Febr. Ducis Eboracensis filius infans, dolore dentium confectus
moritur. Cuius jaculum alius filius Carolus reparat, nato 10. Aug.*

*Carolus Regis filius naturalis antea Bruxellis in religione Catholica
educatus, publicè proficitur religionem reformatam.*

In DANIA Rex Mense Juniò cum Imperatore, Hispano & Hollandis
foedus percutit, ut ipse pro subsidiis mensuris 14000. talerorum,
dimidiam partem ab Hispanis, alteram partem ab Hollandis sol-
vendum, aliat 10000. pedites, 6000. equites, qui statim in cam-
pum possent educi, si aliquis ex foederatis, ipse etiam Elector Bran-
denburgicus, bello peteretur.

In SVECIA simulatur pacis studium, inde Oxenstirnius Legatus ad
Imperatorem multa pacis consilia jactitat.

Alius Legatus in Russiã destinatur. Rumor est, peti filiam Magni
Ducis; cum tamen alii jam Regis sponsam crederent Dani Sororẽ

Dux

Dux Gottorfenſis menſe Julio in Sveciam profeſſus, maximis honoribus excipitur; incidens ea propter in ſuſpicionem Regis Daniæ.

In POLONIA d. 20. Maji Rex eligitur Johannes Sobiesky Supremus militiæ Dux, Uxorem habens Ludovicam Mariam, filiam Marchionis de Preſvin in Gallia, quem ideò Rex Galliæ Ducem & Parentem Franciæ declarat.

Turcæ ruptâ pace fortalitium Chocim occupant: poſtea oppidum Human per vim ſubigunt, truncatis, vel in captivitatem redactis ultra 100000. hominibus.

In BELGIO d. 2. Febr. Princeps Arauſionenſis Supremus bellorum terreſtrium & maritimorum denuò designatur Capitaneus, unâ cum liberis maſculis ab eo deſcenſuris.

Rabenauptius, neſcio quas ob cauſas minus tractatur ex merito.

Henricus Caſimirus Naſſovii Princeps conſtituitur Gubernator Friſiæ Occidentalis.

Menſe Majò Claſſis maritima circum littora Gallica agens, incolas jubet eſſe vigilantiffimos. Poſtea redit ſine ſucceſſu.

Menſe Junio Paulus Würzius, Hollandorum Generalis abdicato munere diſcedit.

Menſe Julio tempeſtas procellis & fulminibus ſaviſſima, non Hollandiam modo (eſi hanc maxime) ſed univerſas ad Rhenum civitates uſq; in Helvetiam, graviſſima clade afficit.

Condæus agit in Belgio prope pagum Senef: opponunt ſe Cæſareani, Hiſpani & Belgæ. Hoc pugnam detrectante, dum aditura moliantur in Galliam, Condæus ultima Hollandorum impedi-
menta invadens, prælio cruento d. 11. Aug. cauſam dedit. Hollan-
di & ſarcinas & milites amiſerunt, multos ex perſonis illuſtrio-
ribus captivos reliquerunt; accedentibus tamen Germanis, Galli prædam jaſtura 6000. militum quaſi redimunt. Fama retulit,
nullam ferè in Gallia eſſe familiam, quæ inde luſtum non ſenſe-
rit. Interim Galli jaſtitant victoriam. *Aſtridiculum fuit, cum
Legatus Gallicus Warſavie in Polonia vellet nocturnis ignibus tri-
umphum hunc celebrare, excitatò venti turbine deſtrui pegma cum la-
ternis, obſiſtentibus poſtmodum Polonia, ne repeteretur res ipſi calo
ingrata,*

Hollandi

Hollandi, qui Duce Reitero missi fuerant in Americam adversus Gallos, re prodicta, sine fructu redeunt.

Oudenarda obsessa & jam ad deditionem parata, durioribus conditionibus tentata, expectat adventum Condæi.

Gravæa ad Mosam, quorsum Galli desertarum Hollandiæ Urbium munitiones congesserant, post diurnam obsidionem, desideratis à parte Hollandorum 4000. militibus, per deditionem recuperatur.

In Belgio Hispanico & Fœderato denuò concluditur, licitum esse mercimoniæ Gallicæ, jamdudum prohibita, vendere: timentibus videlicet Belgis, ne alioquin mercatura hujus utilitatem præiperent Angli.

M DC LXXV.

In GERMANIA Sveci apud Imperatorem adhuc præ se ferunt pacis amorem. Nihilominus aliqua militum manus jubetur progredi in Silesiam, ad observandas illorum actiones.

Comes Lambergius fit supremus Magister Aulae Imperatoris.

Judæi promittunt, si denuò liceret Viennam redire, se suis sumptibus sustentaturos aliquot militum legiones: sed spes decollat.

Fœderati ex Alsatia recedunt. Galli oppidis denuò se ingerunt: quin etiam Dachsteinium, nescio, an ab antiquo Dagoberto nominatum, Cæsareanis extorquent, postea demoliantur.

Brandenburgicus in Franconia militum hibernacula distribuit, ipse Cliviam profectus pergit in Hollandiam.

d. 27. Mart. Virset Citadella Leodiensis Præfectus, turpissima proditione, per noctem admittit Gallos: inde Civitas coacta partes Gallicas magis respicere.

Sveci hæcenus in Marchia sub prætextu pacis, agrum & oppida penitus exhausserant: ast d. 3. Maj. negato per Löckenizium transitu, viam vi armatâ aperiunt.

d. 19. April. moritur Episcopus Herbipolitanus, succedit Petrus Philippus Bambergensis.

Lotharius Fridericus Elector Moguntinus d. 24. Maj. moritur, succedit Damianus Hartardus de Lejen.

Svecia in Marchia pro lubitu agentibus. Elector Magdeburgum tacite transiens, d. 15. Jun. Ratenaviam noctu occupat, ibique

K

cæsi

cæsis plerisque Wangelinum Chiliarcham rapit in captivitatem. inde collectis ad Fehrbellinum Svecorum militibus, ipse solo Equitatu instructus victoriam obtinet, ac uno quasi ictu Svecicam fortunam intervertit.

Paulò post d. 6 Jul. Sveci Imperii hostes declarantur: Imperator Edictò Germanos avocat, qui militarent sub eorum signis.

Interim in Alsatia Turenno opponitur Comes de Montecuculi, qui Gallos in angustiis diu detentos, cum exitum quærent, feliciter profligat d. 16. Julii, numerato inter cæsos Turenno.

Lüneburgici cum cæteris fœderatis Treverensem Civitatem obsident. Dux Crequius à Rege jussus ferre suppetias d. 11. Aug. turpiter profligatur. Ipse quidem in Urbem dilapsus; factâ tamen deditione d. 9. Sept. simul captivitati addicitur.

Loco Turenno Condæus mittitur in Alsatiam.

Lorbaringia Dux d. 18. Sept. moritur. Succedit in prætensione territorii injustè à Gallis occupati, nepos, ex matre Carolus.

d. 11. Octobr. Imperatori nascitur filia Maria Josepha.

Lüneburgenses & Monasterienses Svecos undiqve premunt in Archi-Episcopatu Bremensi, ubi d. 6. Octobr. Buxtehuda capitur. Brandenburgicus victoribus armis circa Viadrum versatus d. 31. Oct. Wolgastum occupat.

d. 20. Nov. Georgius Wilhelmus Dux Lignicensis moriens, sine hæredibus Silesie Ducatus relinquit Imperatori.

d. 7. Dec. Imperator omnes Svecorum subditos in Germania ab obedientia Regis absolvit, eosq; jubet esse fideles Imperio.

Breme omnium Svecorum bona, jussu Imperatoris, arrosso constringuntur.

d. 13. Dec. Wismaria gravem obsidionem passa, ab exercitu Danico per deditionem occupatur. Inde Cives d. 16. Dec. Dano jubentur præstare homagium.

In ITALIA Pontifex promulgat Jubilæum.

Venetis moritur Dux Dominicus Contarenus, in ejus locum eligitur Nicolaus Sagredus.

Eadem Resp. mediationem Pacis inter partes Austriaco-Gallicas suscipit.

Asense

- Mense Junio Carolus Emanuel Sabaudie Dux moritur, relicto filio Vi-
ctore Amadeo decem annorum, cuius tutelam suscipit vidua mater.*
- In TURCIA filius Imperatoris Mense Julio solenniter circumciditur.
- In GALLIA Valiera deponit titulum Ducis de Vanjour, eumq; relin-
quit filia: ipsa in monasterium digressa, dicitur Ludovica Misericordia.
- Quod Hamburgenses edicto Imperatoris admoniti Residentes
Gallicum & Svecicum iussissent excedere; Caleti adversus Lu-
becam, Bremam & Hamburgum declaratur bellum.
- In Britannia minori, ut & Burdegala propter nimia tributa, oritur se-
ditio. Rex utriusq; minuitur extrema.
- In HISPANIA loco Comitum de Monterey, Gubernator Belgii desi-
gnatur Dux de Villa Hermosa.
- Svecicus Legatus jubetur aulâ Madritensi excedere.
- d. 6. Nov. Rex Carolus II. impleto anno 14, Majorenitatem in-
greditur.
- In LUSITANIA Dux de Cadaval Regis proximus agnatus ducit Duci-
sam Gallicam à Domo Grisia.
- In ANGLIA Rex Mediatoris personam strenuè agit.
- d. 18. April. Tractatus commerciorum Indiæ Orientalis cum Hol-
landiis absolvitur.
- Northampton Civitas opulentissima igne corrumpitur.
- In DANIA Legatus Svecicus querere dicitur matrimonium.
- d. 25. Jul. Dux Gottorfensis à Rege Rensburgum invitatus, tam-
diu detinetur, donec fortalitia sua Danis concederet, ipse omni-
bus fœderibus renunciaret.
- Mense Septembri declaratur bellum adversus Svecos in Germania;
at in partibus Norvegiæ demum aperta vis inferitur mense Octo-
bri.
- In SVECIA magna aulæ consternatio, Regem à pacis mediatione
excludi, & à Vicinis tantum non omnibus pro hoste haberi.
- In POLONIA Dorossneckius frustra simulat deditionem.
- Cohortes Brandenburgicæ revocantur.
- Res Turcica versatur in dubio.
- d. 7. Dec. Regis filiola moritur.

In

1675.

76.

In BELGIO Episcopus Osnabrugensis pactum init de præstandis militibus.

Neomagum ad repetendos pacis tractatus designatur.

d. 15. Jun. bellum declaratur adversus Svecos.

Rex Gallia in Belgium veniens d. 21. Jul. Limburgum jactura 8000. militum ad deditionem cogit.

Mense Novembri & Decembri miserabilis aquarum inundatio Hollandia gravissimam infert calamitatem.


LECTOR BENEVOLE.


Hucusq; deductus est Novellarum Nucleus. Habebimus jam, quæ ad præsentem annum hætenus notare licuit. Mortuus in Russia Magnus Dux; mortua Imperatoris Conjux: mortua Conjux Electoris Bavariae: declaratio Pastardorum in Gallia pro legitimis; spectans ibi res ad defectionem: mutatio Septentrionis satis periculosa, & quæ sunt reliqua. Sed ista in tempore licebit addere plenius, si quàm benignè promulsidis hanc vicem acceperis, intellexero. Interim precor DEum, velit letiorem scribendi materiam huic nostro nucleo imposterum largiri. Tu autem vale feliciter!


S. D. G.


77


2.6.88











005646956

12

